



Ad Serenissimum  
regem Poloniae  
Legationum



V. a. 4 $\frac{1}{2}$ .

*Praso 300.*

V.a. 4½



130

CIMELIA

~~VIII h 41.~~

AD SERE

NISSIMVM ET IN-  
CLYTVM REGEM PO-  
LONIÆ SIGISMVN-  
DVM AVGVSTVM LA-  
SCIVS SIVE DE POE-  
NA HOMICIDII, AN-  
DREA FRICIO  
MODREVIO  
AVTHOR

RE



Ann. 0. 130



AD SERE  
NIS ET INCLYTVM  
REGEM POLONIÆ,  
MAGNV M LITHVANIAE DVCEM,  
RVSSIAE PRVSSIAE MASOVIAEQVE  
DOMINVM ET HAEREDEM, SIGIS-  
MVNDVM AVGVSTVM SIGISMVNDI  
PRIMI REGIS FILIVM, ANDREAE  
FRICII MODREVII, IN LASCIVM  
SIVE ORATIONEM DE  
POENA HOMICIDII,  
PRAEFATIO.

**P**etenti ædilitatem P. Cornelio Sæpioni admodum  
adolescenti in urbe Roma; quam olim pontam res-  
rum non ignoras Sigismunde Rex serè imperasse orbi:  
impedimento erant Tribuni plebis, quod nondum esset le-  
gitima ætate magistratibus gerendis & Reipub. capessa-  
sendæ. Verùm adolescens ille ut erat natura ad omnem  
excellētiam factus, effeāt magno sanè & rerum optimas-  
rum spei pleno animo ut ad unam tribus omnes se ædile  
esse iubèrent. Conuerterat salicet oculos uniuersi populus

† ij li

li & ora in se Sāpio uel meritis maiorum suorum: quæ  
illorum summa in Rempu. & recentia extabant, uel sua  
ipsius indole præclara, peridoneaq; ad ea gerenda, quæ  
honore ipso digna essent. Tibi uero Sigismunde Augus-  
te duodecim ferme annos nato regni huius amplissimi &  
harum ditiorum fasces summo studio, magnoq; cunctorū  
ordinum consensu datæ sunt ac tributæ. Florebant tunc  
in hac Rep. sapientissimi & clarissimi uiri Ioannes La-  
fāus: qui tum & sacrorū erat antistes summus, & pri-  
mas in hac Repub. ferebat: Christophorus Schidlouicius,  
Andreas Tananius: & multi præterea Senatores, quo-  
rum partim mortui sunt, partim adhuc uiuunt. Qui qui-  
dem omnes meritorum patris tui in Remp. cōmemorati-  
one, uerborumq; & sententiarū pondere & grauitate,  
de te inaugurando summa & incredibili omnium ordinum  
uoluntate transfegerunt. Putabant omnes rationem ha-  
bendā esse patris, & tui et patriæ huius uniuersæ. Vole-  
bant te quasi primogenitū eam cernere hereditatē quā  
pater cōmunis omnium nostrū tenebat multos sanè annos,  
& uero etiānum tenet summa eū auctoritate. Valebat  
apud omnes memoria Reip. à patræ sapienter admini-  
stratæ: ualebant merita: ualebāt beneficia. Consignaui-  
mus hæc (loquar enim tanquā una populorū omnium  
tuorū uoce) animis memoribus nostris, ad perpetuitatē.  
Est & ille in nobis ualidissimus tui respectus quod in te  
extant quasi generosi seminarij meliores notæ. Fortes,  
inquit Pœta, creantur fortibus. Spe enim illa minimè du-  
bia tene

bia tenemur omnes, fore ut te patre tuo dignum, admi-  
nistranda Rep. præstes: ut te, quemadmodum illum, uerè  
& ex uirtute patrem patriæ appellare possimus.  
Non pœnitebat olim populum Roma. suffragia iniuisse  
mandanda adilitate Sapioni: quod ille quāuis adole-  
scens, res tamen pro Rep. tantas gessit ut expectationem  
de se omnium non sustineret modò, sed longè superaret.  
Itaq; Romani monumentis omnis generis consecrarunt  
memoriam illius, & post de uirtute Africani cognomen  
illi fecerunt. Quamobrem tibi quoq; Rex omni cura, om-  
niq; animi impetu in Remp. atq; in patrias uirtutes est  
incumbendum: ut te non modò in tantum regnum &  
tam amplas ditiones successorem uideamus: sed etiam in  
uirtutes paternas. Habes domi tuæ plurima exempla ti-  
bi proposita ad imitandum: eorum quidem, qui continu-  
ans regijs honoribus apud nos persuncti, tibi hūc ipsum  
honorem soboli suæ per manus tradiderunt. Horum ti-  
bi & bellicæ uirtutes & togatæ sunt exprimendæ, de-  
figendi oculi atq; animus in exemplum hoc paternum  
præclaris uirtutibus cumulatum. Qui quidem pater  
tuus uerissime te ad sui imitationem inuitare posuit issdem  
uerbis, quibus Aseaniū suū inuitabat Aeneas Virgilianus  
Disce puer uirtutem ex me uerumq; laborem.

Et postea.

Tu factò mox cum matura adoleuerit ætas  
Sis memor & te animo repetentem exempla tuorum  
Et pater exatet, & seniorum regius ordo.

† ij

Itaq;

Itaq; si exemplum patris cum ijs præceptis philosophiæ,  
quibus à puero operam nauasti, coniunxeris ( ut certè  
coniungis ) mirabiles profectò in te uirtutis amores non  
dubitem exatari. Vndè enim perfectiorem iustitiæ ad-  
ministrandæ rationem petas, unde fortitudinis in rebus  
arduis & difficilibus, unde moderationis animi, unde pa-  
tientia in aduersis, unde constantia in duris & asperis  
rebus quàm ex patre hoc & tuo & patriæ huius cun-  
ctæ & quem ætas & rerum plurimarum usus erudiuit, &  
ad maximas res peragendas uerissimis præceptis & con-  
silijs idoneis instruxit. Itaq; & bella eius auspicijs con-  
fecta uidimus multa: & quod uirtute tanti primæpi est  
dignissimum, non pauca ab his ditioribus auersa. Ni-  
hil enim huic patri patriæ est antiquius quàm transqui-  
litate populorum suorum, quoties atra sanguinis effusio-  
nem licet, consulere: nullamq; nec pecuniarum nec rerum  
aliarum iacturam tanti facit quàm populorum cœlitus  
fidei suæ commissorum ac creditorum. Sed tu hæc me-  
lius, ut spero, quotidie uides qui à patris latere serè non  
discedas. Tu uerò magnum sanè, inter cætera, spectamen  
uirtutis & indolis tuæ dedisti cum annos fermè XVI. na-  
tus in conuentu ab hinc quinquennium Petricouia habi-  
to, de pœna hominidij id ex tempore dixisti, quòd nemo  
ab illa ætate expectaret. Narrabat id sæpe Erasmus  
Creticouius Senator, summus & spectatus uir, qui uocem  
illam tuam exceperat. Narrabat, inquam, magna audien-  
tium, cum uoluptate. Nihil enim nobis uisum est ap-  
tius,

tius, Senatu ac Equitibus tanquàm fidibus discrepantibus,  
quàm uocem illam quasi mediam orationis tuæ appone-  
re toti harmoniæ formandæ, temperandæ, & ad medios  
critatem traducendæ. Enimuerò tuum est hoc ô Rex,  
ut sententijs distractis, ueluti acibus pugnantibus te me-  
dium inferas: offensiones tollas: discordiarum semina  
extirpes, quæ quamdiu extabunt, nulla firma concordia  
& diuturna extabit. Dixisti olim sententiam & adoles-  
cens & extra ordinem: nunc uerò à te & annorum  
accessione & rerum experientia aucto quid probi om-  
nes & publicæ pacis amantes expectent, uides. Profectò  
te non deceat ut in ultiores conuentus tantam rem pro-  
ferri patiare: quæ Reip. firmamentum & robur potissi-  
mum ab omnibus iudicatur. Fac igitur per Deum im-  
mortalem ut quemadmodum tu patriæ debes cuius gu-  
bernationi diuinitus sis delectus: sic illa uiasim tibi debe-  
at, dum salutem tibi suam uiderit cordi esse. Nec unquã  
debes sperare aliquid præclari foris aut domi te pera-  
gere posse, nisi hoc fundamentum in Rep. tanquàm nauis  
qua omnes uehamur tecum, posueris. Mibi quidem illud  
quòd plus quàm pro ætate, hominidij plectendi causa dis-  
xisti, de cœlo delapsum in animum tuum uidetur: uide  
igitur ne desis cœlesti instinctui. Sed tu orationem no-  
stram legens saalè sententiam tuam recognosces. Ego  
quidem ea scribenda non putauì certè aliquid eximij ac  
splendidi à me præstari posse: Sed hæc reuolui obseruã-  
tiam in te meã & in Remp. declarare. Plura alij & pos-  
tiora

tiora uel cognitione usq; rerum uel elegantia uerborum  
maiore præditi, præstabunt: nos fecimus quod potuimus.  
Te uero Rex & humanitas tua præstans hortatur, &  
benignitas regali genere digna, ut boni consulas officium  
nostrum: nec rem spectes ipsam, quæ admodum exilis  
tibi à me offertur: sed uoluntatem dantis egregiam,  
obscurantiamq; in te summam & sempiternam. Det  
tibi Dominus spiritum suum Rex inclyte & populis tuis  
ut & tu iuste ac sapienter regere et illi quod è

Rep. fideq; sua sit rectè ac prolixè facere  
possint. Vale. Calendis Ianuarijs.

Anno à Christo nato.

M. D. XLIII.



## ANDREÆ FRICII MO- DREVI LASCIVS SI- VE DE POENA HOMICIDII

**S**I quis cū animo suo veterem stū-  
dioforum morē erit recordatus,  
licuisse illis de re qualibet honesta  
in utramuis partem disputare scri-  
bereq;: hunc opinor cum humanitate ac be-  
neuolētia lecturum esse hęc cogitata nostra,  
quę de homicidii pœna congersimus in hoc  
breue scriptum. Neq; ego profectò is sum  
qui putem me uel natura, uel doctrina, uel  
facultate dicendi tanta præditum esse, quantā  
desideret hęc causa: agnosco enim me ab om-  
ni re esse imparatissimum: Sed cū in causa  
honestâ putarem honestè unumquēlibet ver-  
sari, neq; conatum eius ob id iure reprehendi  
posse, sperabam etiā hoc meum scriptum sine  
offensione in manus hominum peruenturū.  
Neq; despero fore aliquos maiore doctrina  
& dicendi elegantia instructos, qui exemplo  
nostri argumentum hoc uel nostra sententiâ  
tutanda, uel contraria asserenda, longè splen-  
didius ac maiore cū fœlicitate sint tractaturi.

A Interea

Interea iuuabit nos dedisse alijs scribendi oc-  
casionem. Hoc quidē dictum esto bonis &  
moderatis viris; alijs porro non aliud dicam  
quā licere eis profus non legere nostra. Ve  
autem oratio ipsa plus autoritatis haberet,  
nō eam tribuere visum est alicui ē suggestu,  
more eorum qui scholas habent, declamanti;  
sed potius alicui sententiam in Senatu suo lo-  
co dicēti. Neq; id sanē alicui viuorū: animad-  
uertī enim hoc, nō libenter viuos pati, vt in  
scenam veluti fabulam acturi producantur;  
sed ei qui ex hac vita discedens, omnibus ma-  
leuolis atq; obtrektoribus laudum suarum  
valedixit Hieronymo Lascio Siradię Pala-  
tino, summo & clarissimo viro, & in omni  
dignitate principi. Cuius quidem intempe-  
stiuā morte, quantam fecerit iacturam resp.  
Christiana, omnes intelligunt, qui presentes  
calamitates, & seuos horum temporū a Tur-  
cica immanitate excitatus fluctus oculis atq;  
animo cernunt: simulq; viri illius magnā se-  
dandis eiusmodi fluctibus atq; componēdis  
prudētiam longo rerum vsū collectam. Eum  
enim illum ego virum fuisse puto, qui omni-  
bus imperatorijs artibus atq; disciplinis mira-  
biliter esset doctus. Nam quid illi laudis aut  
glorię defuit artis militaris? quis vel animo,  
vel con-

vel consilio, vel vsu maiore in bellis admini-  
strandis est versatus? quis vidit plures gentiū  
mores, & vrbes: quis cum tāta nationum va-  
rietate tot tantaq; maximarū rerum habuit  
deliberationes? Itaq; nemo mihi omnū quos  
hęc tulit etas ad Vlyssēm illum πολύτροπον  
propius accessisse visus est preter Lascium,  
Nam & illa consilia Vlyssis capiti de Troiē,  
& arces Iliacę nocte intempesta intratę, et p-  
quā difficultium rerum consilia inita atq; per-  
fecta, & in tot tamq; diuini erroribus in-  
numera pericula adita: instar in hercule mihi  
habere videntur rerum a Lascio gestarum.  
Qui cum se rebus turbulentissimis & maxi-  
mē dubijs Regum atq; Rerump. dedisset:  
necesse profecto habuit illis gerendis, varias  
& incredibiles adhibere cautiōes: variasq; p-  
locorum & negotiorum varietate induere p-  
sonas vt aliquando ad id quod statutum sibi  
esset atq; decretum, pueniret Neq; verō satis  
habuit Lascius christianum iustrasse orbem:  
eacq; ibi gessisse, quę digna essent fortissimo  
viro: nisi etiā instituta, mores, leges, & cōsue-  
tudines gētiū a nostra religione remotarū,  
in primis verō Turcarum, sitisq; locorū in  
quibus habitāt illi, cognouisset, & penitus ha-  
buisset perspectos. Non est instituti mei vt in



presenti historiam illius texam: itaq; multa  
prudēs pretereo. Illud tantū à summis viris  
dictatum cōmemorabo, Lascium eā habuiss  
se peritiam rerum Turcicarum, vt inter pau  
cissimos qui hodie viuūt, hic vnus fuerit ma  
ximē aptus bello aduersus illos administrādo:  
eumq; fuisse in re militari veluti summū nau  
tarum gubernatorem, qui nō modō tranquil  
lo mari nauiculam, sed sequissima tempestate  
ar gonauticam nauim potuisset gubernare.  
Verū ille superatis his fluctibus, et hoc ter  
rarū estu, portū iam tutissimū tenet: in easq;  
oras delatus est, quē eum omnibus rerum hu  
manarum turbinibus curisq; laxarunt ac li  
berarunt. Cuius quidē mortis opportunitatē,  
quis non meritō miretur, qui sit illius etatem  
in peregrinatioibus prope exactam medita  
tus: Nam ex eo fere tempore, quo Ludouic  
cus Hungarorum Rex generosissimus, Tur  
cica inmanitate, fato est perfunctus, Hiero.  
Lascius perquā magna negotia, maximi con  
siliij, nec fortunę minoris, administrabat. Gal  
liam aijt. Daniam atq; Germaniam aliquo  
ties peruagatus est. apud Turcā sedecies lega  
tum egit. Domi rarissimē, nec nisi paucorū  
dierum hospes, perpetuus verō vel in itineris  
bus, vel in bellico apparatu, vel in ipsis bellis  
gerendis

gerendis. Itaq; cū totū hoc, à fatali illa die  
Ludouici Regi tempus cōsumserit, negotijs  
regū peregrē procurandis, cū difficilima pe  
ricula sponte adierit, cū in gladiorū vibratu  
& hostico tubę sono toties sit versatus, cū  
nihil habuerit antiquus, quā pulchrā per vul  
nera, Reip. causa, oppetere mortē: Tamen di  
uinitus seruatus est, vt non alibi quā domi  
inter suos extremū fati diem sustineret. Nam  
cū ex Tracia ad nos reuertisset, ex illa lega  
tione, quē illi vltimū humanorum operum  
fuit, eger quidem & admodum valetudinari  
us: mortem animo forti & perlibenti, in ma  
nibus amicorum, cum vita cōmutauit. Mihi  
quidem foelix & perbeata visā est hęc mi  
gratio illius ex hisce turbis, quibus illum ma  
ximē implicatum fuisse constat, in quietem il  
lam eternā: primū quia animo pacatissimo  
facta, & res humanas, quod non obscure pre  
se ferebat, cōtemnente: deinde quia rebus om  
nibus ad sanctē migrandum compositis: ad  
hęc ga cōspectis prius & valere iussis ijs qui  
bus cū vixit coniunctissimē, vxore, liberis, &  
amicis: tum quod caput rei est. quia ad medio  
& veluti de sinu et gremio ecclesię populorū  
Christi: neque illud est in poluētis, quod  
iudicatum illi erat, vitam à castris & bellis

cis turbis traducere ad tranquillitatem & ad  
politice disciplinam: ubi cum studia & actio-  
nes suas ad Christi regulam formaret, tum  
hominibus fidei sue commissis prodesset. Quam-  
vis enim operam suam negotiis Regum exte-  
riorum ferè dicauerat: atque ad bellum hoc Tur-  
cicum, in spe vite quamdiu erat incumbens,  
ut in eo preclarum artis sue facinus, dignum  
quidem usu rerum a se gestarum ederet: Verum  
in colloquijs familiaribus, que cum amicis de-  
cumbens, sed spe valetudinis recuperande non  
nulla nixus, habebat: quibus frequens inter-  
eram: miro mihi desiderio quietis & vite po-  
litice incensus esse videbatur. & veluti vir il-  
le sapiens laboribus infinitis  
Fumum lithace sue plus videre cupiebat quam  
foco luculento alieno delectari: Ita hic noster  
Ulysses et honoribus amplissimis & bellicis  
laboribus summis perfunctus, hunc sibi om-  
nium laborum fructum constituebat, ut vite  
reliquum domesticis ac politicis rebus admi-  
nistrandis consumeret. Ita que sepe de re fami-  
liari, de reip. optima forma, de legibus quibus  
illa potissimum contineretur, disputabat. Hanc  
verò, de qua scribere institui, legem de homi-  
cidijis seuerè puniendis, caput & firmamentum  
reip. potissimum iudicabat: nec rerum aliarum  
rectè

rectè modum prescribi posse, nisi vita nostra  
ab importuna sceleratorum manu tecta: neque  
ad diuinam humanamque legem aptiorem ho-  
micide poenam excogitari, quam capitali.  
Multa in eam partem ( ut erat promptus sen-  
tentijis vel ex literis sacris vel ex profanis pro-  
ferendis) argumenta adferebat: que ego qui-  
dem meo arbitratu exposui in hac oratione.  
Audiamus ergo Hieronymum Lascium de poe-  
na homicidij in Senatu, magna omnium ordinum  
frequentia, rogatum sententiam suo loco dicentem.  
VIDERI cuique vestrum possem Rex incly-  
te, & Senatus amplissime, vosque nobiles &  
optimi viri ordinum omnium, male de rep. hac  
comuni omnium nostrum parte mereri, si  
de legibus quibus illa et ab initio constituta est,  
& in hunc usque diem prosperis successibus gu-  
bernata parum pie honesteque sentiret. Ego verò  
post Dei Opt. max. religionem, cuius primam  
mentibus hominum natura inscivit curam: que  
opinionem, nihil in rebus, sanctius esse iudico  
legibus ipsis. Frustra enim societates hominum  
inter ipsos colerentur: frustra hos ceteris &  
domicilia coniuncta moenibus sepiremus, si  
religione summi Dei contempta, nulli insti-  
tutis, nullisue legum vinculis resp. de iuncta  
esset ac comunita. Ac in tanto quidem bellorum  
tumultu

tumultu, in tot hostium incursionibus perpetuis, nulla mehercle ratione defendi resp. posset ac diu consistere, nisi primū domesticę omnium tranquillitati legibus consultum fuisset. Quamobrem quōd resp. hęc nostra præter pacem publicam, qua domi fruitor, quamq̃ (vt in hac hominum peruersa cupiditate potest,) retinet foris, floreat etiā, & apud alios populos pro eo ac par est audiat, id totum ego secundum Dei beneficentiam triduo legibus ipsis: quarum iuxta præscripta, qui in magistratu sunt gubernant omnia. Sentio igitur de legibus patrię cuius filius sum honestissimē: quibus & conseruationem patrię tā diuturnam: et florem acceptum referre par est. Verumenimuerō sunt quedā in ijs, quę principio quidem caulis grauibns & cōsilio etiā optimo constituta videri possint: at nūc tempus ipsum & abusus etiā non minimus exposcere et planē exigere videtur, vt illa ipsa corrigantur & mutentur, si florem hunc patrię nostrę constantē retinere, siq̃ integrū posteritati volum⁹ reddere. Et quoniā rogatus sententiā dico meo loco de pœna homicidij, quę so a vobis vt voluntate vestra fiat cum pœnam vsitatam ostendero parum esse sceleris tanto accommodatam. Neq̃ id sanē fecerō studio

studio vel cōtradicendi vel nouādarū rerū. Sed cum in medium deliberatio consilij capiti undi sit introducta, puto vnicuiq̃ nostram libertatem datam esse, quod ē Rep. ducat si deq̃ sua dicendi. Quamobrem peto a vobis vt me cum beneuolentia audiat, dum causas ppono, cur bonis viris, patrię huius filijs, ex omnibus quidem ordinibus permultis, pœna vsitata exacerbanda, ac omnino pecuniaria in capitalem cōmutanda esse videatur. Neq̃ continebitur oratio mea calamitatibus recensendis: quę innumere ex pœnę facilitate, dum caput hominis pecunia soluere licet, in genus mortalium redundarunt: Sed quę vel apud exteros populos, inter quos multum sum versatus, vidi & audiui, vel ex nonnulla lectione cognoui, vel experientia ipsa rerum magistra didici, ea quidem in presentia quantum comodus potero exponere conabor. Sed antequam ad eam orationem veniā quę in pœnę pecuniarię versabitur reprehensione, videtur causę in primis exponendę & occasiones, propter quas pœna hęc sanē minuta si sceleris magnitudinem verē estimes, fuerit principio constituta: vt deinde num eam in capitalem uertere, hac hominum malitia, sit necesse videre

B possitis

possitis. Profecto ita est Rex inclyte et Senatus amplissime vt homines, quò rerum initio ac veluti mundi incipientis viridi illi etati erant propiores, hoc facilius vel nulla, vel quamlibet exigua poena ab omni genere flagitij arcerentur. Nulla olim in ciuitate Atheniesium (quam vnam satis sit nominasse hic exempli causa) cum iam & rerum potita erat, & legibus optimis constituta: Nulla, inquam, in ea ciuitate poena pposita erat paricidis: quod antea scelus illud a nemine ibi auditum erat. Post vero malitia hominum nihil non audente, non est dubium poenam aliquam fuisse constitutam: ac subinde etiam moribus in peius ruentibus auctam atque exacerbata. In Rep. nostra, quantum ex annalibus inuestigare licet, non aliud poene genus in homicidas excogitatum erat quam pecunia: eaque non maior quam sexaginta marcarum monetę nostre: Post vero licentia hominum crescente, processum est memoria nostra ad marcas Centum: deinde cum hoc non satis esset peruersitati reprimende decretum est in homicidas vt preter poenam pecuniariam spatio vnus anni in custodia tenerentur: Sed ne hoc quidem satis visum est submouendo maleficio: itaque tenebris &

ima

ima carceris parte custodia illa definita est. Ita mundo degenerate, aut potius hominum audacia in dies magis ac magis omnia sacra ac profana violante, supplicia maiora sunt constituta: que rerum initio, mundo veluti nascente, leuiores multo cum essent, magis tamen homines in officio continebant. Etenim ita rerum natura comparatum est, vt qui olim homines ferino victu, galeis agrestibus, & antris relictis, loca aliqua frequentare coepissent, domusque coniunctas, que nunc oppida vocamus, edificare, principio quidem nulli perinde rei studuerint, quam vt rudem terram recte prosunderent, eamque fructuosam sibi redderent: nec enim frequentiam illam diu colere possent, nisi que ad victum foret necessaria, primo curarent. Nullus tum luxus esse poterat in coetu illo recenti, victuque arido: nullę diuitię quisque pro sua parte in id vnice incubebant, vt modum agri, qui forte sibi erat assignatus, quam optime colerent: satis amplum laboris premium referre se putantes, si terram subactam annuum ipsis victum suppeditaret. In eo igitur horrido victu, tantaque rerum inopia, non necesse erat multis legum repagulis, quibus homines ab vitijs arcerentur: sed consti-

Bij tuebant

videbant tamen leges aliquas ad disciplinā & societatem illam retinendam. Quis igitur tū ab homicidio non abstinuisset vel sponte sua in victu illo & vestitu minimè delicato, uel pœna proposita mediocri in rerum omnium angustia? Ego sanè putarim in eo exordio rerum multam potius addendam fuisse pecuniariam, cum neminem ad id facinus malicia procliuem esse intelligerem quàm capitalem: cuius etiam mentiōe percussī homines facillè ex nouis sedibus dispergerentur. Ac non dubito maioribus nostris seu inde à primordijs nominis nostri, seu post multa secula gente multiplicata & in varias distincta vrbes; Nō dubito, inquam, hanc maioribus nostris rationem fuisse pœnæ pecuniariæ constituendæ: quod ea deterreri posse quosq; à flagitio tanto videbant. Quæ enim natio hominum tam rudis vnquam fuit, tamq; rerum omnium imperita, quæ vitam humanam exequari posse villo precio diceret? Quis nostrum hanc notam maioribus nostris iniustam velit, ut suam ipsorum vitam quam maxima vi numero rû posse perfolui putarent? Sed ut dixi cum animaduertentes talia tum hominum ingenia fuisse, ut vel per se etiam ac sponte sua, vel quâs

libet leui

libet leui pœna ab omni cede abstineret, pœnam tantum pecuniariam constituerunt: quâ si sustinerent qui casu aut per imprudentiam (sciens enim ac volens, qui id faceret, inauditus erat) hominē occidissent. Hanc & ego pœnam viri amplissimam existimem ips quoq; per imprudentiam qui homicidium commisissent subeundam. Nec enim iustum senleo ut delicta, quæ casu aduerso & nolentibus nobis fiunt, eque puniantur ut illa quæ ex malitia & consilio animi destinato, proficiuntur. Deinde si quis defendendi sui causa hominē, qui prior illi mortem afferre paratus erat, occidisset: eum quoq; aut vltata, aut minore, aut si forte vi tuendiq; sui necessitate eò fuisset adactus, nulla omnino pœna afficiendum puto. Id enim nobis natura inditum est, ut caput, iugulū, latera, vitam deniq; ipsam ab omni vi tueamur. itaq; & leges porrigunt nobis arma ad vim vi repellendam: & ipsa consuetudo gladijs accingēdi latera nostra nō aliud cōmodi affert quàm ut ab insidiatore repentino, quantū possimus nos tueamur, vitamq; nostram. Quod si necessitatis graue illud telū tantū putatur ut Dii quoq; paruisse illi tradātur, quâ tandem mortalū generi excusationē

B iij. putabā

putabimus iustiorē vitę alicui ferro erepte,  
quā se non potuisse aliam expediendę sa-  
lutis suę rationē habere, nisi homine qui for-  
tē gladium animo occidēdi prior intentauit,  
necator. Omnino em̄ hanc nascentes nobiscū  
attulimus legem, vt vim vi à nobis propulser-  
mus: eam à Deo immortalī vnā cum animis  
haustā habemus: ad eam impellimur natura  
duce: neq; aut ratione aut magistro præeunte  
eam didicimus: sed quemadmodum nudi &  
rerum omnium indigētes in hanc lucē editi,  
instrumentis ad rem querendam augemur:  
ita ea lege imbuimur ad vitam & salutē tu-  
endam. Quod si capite puniendi essent qui,  
salute defendēda, cędem fecissent, ecquid tan-  
dem interesset quō minus latronibus perenti-  
bus vitam nostram, nos mactandos vltro tra-  
deremus: ecquid referret perire nos huius iu-  
dicio aut illius manus: siquidem occidēdum  
nobis sit iudicis sententiā, quia nos occidēdos  
insidiatori non præbuissemus. Iam cum duo  
sint genera iniurię propulsandę, vnum per di-  
sceptationem forensē, alterū per vim: certē  
ad hanc necessariō est confugiendum, illa de-  
sperata, ne, dum illam expectamus, antē nos  
bis poena iniusta reddēda sit, quā iusta ab  
homine

homine scelerato, iudicio repeti possit. Sit igi-  
tur hoc in primis positum in hac sententiā no-  
stra, non esse in fraude capitali ponendum, si  
quis ad vim & cędem faciendam, vi coactus  
impellatur. Proximum verō huic sit, ne cum  
quidem homicidio esse obstrictum, qui casu,  
nolens, contra mentem & sententiā suam (vt  
qui fortē tegulam ab alto demittat, in locum  
quem hominibus vacuum putabat) necem  
alicui attulisset. Eius sententię authorem ha-  
bemus vocem Dei immortalis, qui tale disci-  
men constituerit homicidiorum vt qui cogi-  
tātō scelus hoc ac de industria fecisset, per in-  
sidiasuē, morte poenas daret: vsq; eō quidem  
vt si vel ad aram Dei confugisset, inde tamē  
rapereē ad mortē: Qui verō sine insidijs ho-  
micidium improuisum nec opinatū sed casu  
admisisset, is non interficeretur: (siquidem in  
manū illius Deus se tradidisse & impulsisse  
occisum fatetur.) Sed tantū in locum fu-  
geret tanquā ad asylum diuinitus cons-  
titutum. Sanciuit & illud Lex diuina, vt  
fur nocturnus impunē occidatur: diurnus  
non impunē. Tamen si leges. xij. Tabularum  
diurnum quoque si telo se defēderit, in-  
terfici impunē voluerūt. Atq; id quidem de  
cēde

Exodi.  
xxi.

Exodi.  
xxij.

cedere vel casu aliquo vel necessitate facta didici-  
esto. Ceterum quis vitam hominum tanto o-  
dio habet ut immanissimum patriciam vitro  
sponteque homines occidentem, per summam  
malitiam genus mortaliū extirpare conan-  
tem non excindere velit, ac ex omnium era-  
tū temporūque memoria deleat. Sepe de gran-  
dioribus natu auditi, illud in more maiorum  
nostrorū fuisse, ut si quis seu pecuniā mutuā  
seu quamlibet rem aliā utendam alij dedisset,  
non opus ad id ullis inter eos syngraphis fuis-  
se. Tantum absuit ut qui creditor esset caue-  
ret à debitore aut iuris iurandi religione, aut  
nominibus factis, aut fideiussoribus. Sed aut  
elabat rem suam, arbitris semotis, presens pre-  
senti: aut etiam absentē in sacculis numeratā  
pecuniā, ab vna in aliam ciuitatē mittebat:  
quam pecuniā debitor & accipiebat inte-  
gram, & cum bona gratia referebat: Tanta  
& portitorum fides erat, & debitorum grati-  
tudo. Nūc verò qd in pecuniis mutuandis nō  
stipulamur: quē nō exigimus chirographac  
quas cautiones non excogitamus: quos non  
consulimus formularum cautores? Et ta-  
men sit persepe ut qui abs te mutuū accepit  
aut fidem non prebet, aut cum mala referat  
gratia

gratia, aut quod minimē fieri oportuit nō si-  
ne hostilitate. Sed hoc nimirū est quod viri  
prudentissimi non de nihilo cōfictis, sed ē res  
ipsa sumptis olim fabulis prodiderunt: dum  
primam illam, qua homines nullis constructi  
legibus sed sponte sua fidem rectumque cole-  
bant auream vocarent etatem: alteram deins-  
de, ut priore deteriorem sic à metallo ignobi-  
liori argenteam, post verò paulatim moribus  
in peius degenerantibus, & eneā appellarēt  
& ferream. Volebant homines rerum huma-  
narum peritissimi significare nō minorem in-  
dies à pristina morum puritate in peius muta-  
tionem fieri, quam ferrum cedat auro, precio  
atque nobilitate. Tanta igitur rerum mutatio-  
ne quis quiesco non intelligat subinde & legi-  
bus opus esse alijs, & pœnis etiā quibus ho-  
minum malitia refrenetur grauioribus: deins-  
de si in rebus ceteris, magnis quidem illis &  
ad societatem hanc retinendam pernecessarijs  
tot sunt leges noue sancite, tot itē veteres no-  
uis exacerbate pœnis, cur non idipsum in no-  
stra ipsorum tuenda vita, omnibus profecto  
rebus longo interuallo prestare effectum ve-  
limus? Eo enim iam in hac Rep. multorum  
malitia processit, ut putes illos hostes esse hu-  
C mani ge

mani generis perpetuos: in idē videas vnice  
intentos ut in quos libitum est eis seuiant: eos  
persequantur: ex edibus eiciant: deinde cum  
non grauius malū dare possint, miserabiliter  
trucidant. Quot enim paucis his annis reperti  
sunt maleficentissimi homines, imō immanis-  
sime beluę, qui posteaquam alicuius exarsē-  
runt odio, non prius illud restinguere potue-  
runt, quā hominem nec accusatum, nec con-  
demnatum, imō nec opinantem, nec id vn-  
quam expectantem, præter ius omne & præ-  
ter magistratus edicta, crudelissimē manibus  
suis necarent: Possem multos hīc nominatim  
proferre vel amicos vel tribules, vel parentes  
vel filios vestros, vestrorumūe hominum qui  
ab importuna sceleratorū manu uulneribus  
acceptis mortem teterrimam obierūt: possem  
rabiosas multorum impressiones in honestis-  
simos homines factas: possem strages, manu  
collecta, utrinque editas cōmemorare: sed non  
est instituti mei in re omnibus notissima cō-  
morari. At verō quas nam pœnas persol-  
uerunt pestes illę hominum flagitij tantis di-  
gnum quidem erat pœnam sceleri parē esse.  
sciac carnificinam illam vel exempli causa vel  
quia equum est merita punire morte: ut &  
ceteri

ceteri deterrerentur ab hominibus necandis,  
& ipsi homicidis eadem dies peccandi finem  
afferret que & viuendi: verum posteaquam  
euaferunt, primam, qua in presenti facinore  
capi poterant occasionem, prodeunt paucos  
post dies impune in publicum: securi iam vi-  
te & rerum suarum. quid enim facias illis qui  
momēto patrati homicidij hominum manus  
effugerunt: Dies eis dicitur apud iudicē. Hic  
verō in eos animaduertit pœna visitata. Quo-  
tus aut quisque homicidarum est, qui utran-  
que dependat pœnam Reip. & pecunia persol-  
uenda, & carceris cruciatu anni spacio perse-  
rendo? Multi amicis occisi placatis utranque  
euolarunt pœnam. Quid enim putatis homi-  
culos facere istos, qui sua tantum re tangun-  
tur: alienas & præsertim mortuorum res pa-  
rū ad se putāt pertinere. Verē enim dictū vide-  
ri potest, Nihil citius arescere lacrima: præ-  
sertim & in rebus alienis, & lucelli alicuius o-  
dore aspirante. Multi etiam a cede in exte-  
ros se conferunt populos: atque inde cum lite-  
ris deprecatorijs, aut forte meritis cum aliqui-  
bus redeuntes, vel utriusque vel alterius pœne  
remissionē obtinuerunt. Rarique sunt seu ho-  
noribus atque existimatione præstātes, seu gra-  
C ij tia



tia florentes, seu amicorum consanguineorū  
q̄ potentum studijs stipati, qui legibus & iu-  
dicio dederint pœnam constitutam Soli, ho-  
mines vel ab amicis, vel ab honoribus, vel ab  
existimatione inopes, pœna illius sustinent  
acerbitatem. Et tamen qui pœna affecti sunt  
nihilō fiunt meliores: imō seip̄os etiam scelere  
deinceps superāt audaciāq̄. Inuenias enim q̄  
& multis postea paricidijs sese obstrinxerint  
& sint deinde ad omnia scelera atq̄ ad impe-  
tendum homunculos imbelles longē audaci-  
ores. Qui quidem si morte luissent cœdem a  
se indignissimē factam iisdem finibus audaci-  
am interficiendi alios quibus vitam suam ter-  
minassent. Quam igitur ex re sit omnīū qui  
se hancq̄ Rempu. saluam cupiant, quamq̄  
equum si supremo adficiantur deinceps sup-  
plicio, qui primi hominem occiderunt puto  
verbis nō opus esse in re clarissima. Sed quo-  
niam ingressus sum hunc dicendi campum  
iussu vestro atq̄ officio muneris mei, facien-  
dum mihi existimo vt omnes, quātum in me  
sit, inuestigem eius rei causas: a vobis modō  
peto quesoq̄ vt quod adhuc fecistis, benignē  
atq̄ attentē audiat̄is reliquam orationem: ef-  
ficiam em̄ profectō vt omnes intelligatis, quā  
obrem

obrem, qui prior homini obtulisset mortem,  
ipsum quoq̄ ad mortem vsque necessum sit  
multari. Si enim pœna quę iusta sit respon-  
dere debet culpę eamq̄ etiam vt expiet equa-  
re, nihil me hercle tam equabit homicidium  
quām si homicida morte multetur. Nulla em̄  
pecunia tanti est; imō etiam si res conferantur  
totius orbis terrarum in vnum, nullo modo  
tanti sunt vt contendere possint cum vita ho-  
minis vnius: qui meliore sui parte sit particeps  
diuinitatis: qui imaginem opificis sui inse mi-  
randum in modum habeat insculptam: qui  
non vt cetera seu animāta seu inanima, inor-  
talia & caduca sunt, sed qui ex hac vita trans-  
feratur ad domicilium beatorum: Cuius cau-  
sa filius Dei opt. max. ē cœlo descendens, cru-  
ci se suffigendum voluerit, vt eum reconcilia-  
ret patri suo cœlesti: deniq̄ cuius causa om-  
nia quę vsquam in terris sunt, quęq̄ in cœ-  
lis visuntur, condita sint. Iam verō quameū-  
q̄ in partem vitę humanę contemplantē te  
conuerteris, quot dij boni res mirandę in hoc  
opificio sese ostētabunt: Nouem menses ma-  
ternis claustris septus, huic luci formatur: edi-  
to in lucem lac in vberibus maternis, nutriē-  
do, suggeritur: labore & anxietate parentum  
C iij    incredibili

incredibili educatur. Quis enim verbis expli-  
care satis queat quot & quanti labores fingē  
do hoc animali suscipiuntur? primum in in-  
fante viribus omnibus destitudo quan-  
ti? deinde in adultiore densissimis ignorantie  
tenebris circumsepto qui & quanti? post hec  
etatis accessione aucto, quis sufficiat vnus in-  
stituendo, erudiendo, ad humanitatem infor-  
mando? quot artes vsurpandę fingendis mo-  
ribus illius & refingendis? quoties rogandus,  
monendus, castigandus, nonnunq̄ adulatione  
deliniendus? ac post tantos labores, tot curas  
& erumnas, vix tandē ad annos viginti na-  
tus, rebus gerendis aptus esse videtur. Quo  
ferē tempore maximam solet lēticiam facere  
natus parentibus amicisq̄, & cunctę patrię:  
dum & illi sperant labores suos fructu etatis  
nati longioris compensatum iri: & hec in spē  
cuiusuis rei ab illo bene gerendę ingreditur  
ampliorem: cupitq̄ videre vt homo tanto tē-  
pore, tot laboribus alienis, aliena cura & in-  
dustria educatus, ostendat in Rep. pro virili  
parte aliquid, quo declaret non sibi se natum  
esse sed parentibus, amicis, & Reip. Sed eca-  
ce tibi quasi in medio cursu homo maleficus,  
qui momento eripiat tantas spes nobis, occidit  
illum

illum alumnū: priuat parentes, amicos, et  
totā rēp. sperato fructu. nūerat deinde (si forte  
quis exigat) marcas centū, & fortē molestias  
carceris aliquot septimanarū, perfert. an verò  
vobis videtur cū hac pœna cōpensari vita ho-  
minis occisi? in quo cōsummādo tot labores,  
tot calamitates sunt exhaustę: qui à deo filij, à  
Christo fratris habet loco: qui tot nature be-  
neficijs auctus est & ornatus: in q̄ tot & tante  
sint spes collocatę rerū bene gerendarū. Que  
igitur cū rāto opificio non marcarū centū no-  
stratū vinculorumq̄ vnus anni, sed rerū to-  
tius mūdi si in vnū conferantur cōtentio fieri  
possit? Que verò aptior pœna constituatur  
quā si rei capitalis damnētur oēs homicide?  
Non hīc fatē hominū gradus cōstitui necesse  
est, nobiliū, plebeiōrūq̄, diuitū et tenuiū, do-  
minōrū ac ministrorū. Ad gentes à Christi re-  
giōe alienas faceat illud decretū, vt dñs pote-  
stas sit necis seruatorū: alijs in negocijs valeat il-  
lud vt pluris sit paupe opulētus: Satis sit ī hac  
Rep. nobilitati prerogatiuis gaudere multis  
vel in honoribus petendis profanis ecclesiasti-  
cisq̄, vel immunitatibus vectigaliū aliorūq̄  
onerum obtinendis. Ceterum in vindican-  
da legibus morte hominū ad exemplar dei  
C iij condit

conditorum, fratrum Christi & coheredum,  
ne sit quæso discrimen vllum. certè nulla hu-  
mani generis pars propter discrimina huma-  
nitus constituta est negligēda. Cedat sanè di-  
uisti pauper; nec cōtendat cum nobili plebeius  
ordo: verùm seruentur illi gradus in vitæ hu-  
ius commoditatibus percipiendis, atq; in vitæ  
huius dignitate: mortem verò per scelus cui-  
libet oblatam, nemo non iisdem pœnis perse-  
quendam putabit, qui à Deo opt. max. æque  
plebeios ac nobiles, pauperes ac diuites, minis-  
tros ac dominos esse diligenter reputauerit;  
nec minus manere illos atq; istos hereditatē  
eternam. Hoc natura docet, simili omnes ho-  
mines opere condens: iisdem rebus indigos,  
in hanc lucem proferens: iisdem quoq; illos  
tum animi tum corporis dotibus ornās. Hoc  
vult nature author ille & conditor deus, om-  
nes ex æquo in spem salutis vocans & eterni-  
tatis. Hoc iubet magister noster Christus,  
qui cum suæ religionis iugo nos exequaues-  
rit, cum proximorum appellatione nos volu-  
erit omnes censerī, non minus profectō nobis  
voluit pauperum, seruorum, plebeiorumq;  
vitam cordi esse quàm diuitem, dominorū,  
ac nobilitatis. Deniq; hoc postulat Respub.  
ipsa

ipsa mater omnium nostrum: quæ quantum-  
uis ex re sua constituerit ordinum distinctio-  
nem, non aliter tamen salua esse possit ipsa,  
quàm filiorum quos genuit, eduxit, quos sine  
charitatis maternelæ cōplexa est, quos vni mo-  
narchæ subiecit, salute & vita eodem modo  
tuenda. Quòd si in facinoribus aliorum cri-  
minum illam sine vllò discrimine personarū  
constitutam habemus pœnam, vt non elui-  
possint nisi capitis supplicio, cur non idem ser-  
uamus in scelere homicidij immanissimo?  
Fures cuiuscunq; ordinis sint atq; loci in cru-  
cem affiguntur omnes: de adulterio, deq; pe-  
culatu conuicti vel si lateant quamdiutissime  
à flagicio patrato, si quando tamen in manus  
incidunt iudicium nulla inde eis datur redimē-  
di facultas: nullæ pecuniæ tantū sunt vt pares  
sint facinori persoluendo, sit sanè qui furtum  
fecit equestri loco plebeioq; nulla tamen via  
iudicis manus elabi possunt, quin in crucem  
acti laqueo strangulētur. Detur severitas hu-  
ius legis, viri amplissimi, hominum societati:  
detur huic in qua nati sumus Respub. Nam  
quis est qui dubitet si ad vitium refecare ve-  
lit, quin vita hominis pluris sit multo rebus  
furto sublati? Verùm cum humani hi cœ-

tus defēdi aliter nō possunt, nisi maleficis hōi-  
nibus ē medio sublatis, maneat sanē vt seueri-  
tatis exēpla illa ī fures edātur: homicidę verō  
q̄ fures lōgē superāt facinore ac immanitate  
cur nō similibus aut peioribus multo exēplis  
perdātur: Cur furibus oīs viuendi spes legi-  
bus in perpetuū adēpta: eadē paricidis, patrati  
homicidij momēto manus hominū elapsis, in-  
tegra manet: ac omnino carcere pecuniāq̄ mul-  
taticia persoluta, sarta atq̄ tecta: Non mihi  
possum temperare, quin, quō oratio ducit, cō-  
tentionem faciam furum & homicidarum,  
quo quidem apud nos loco esse vtrique pu-  
tentur, Fur habetur infamis, homicida fortis  
animosusq̄: ille multatur morte, hic pecuniā  
ille viuens moriensq̄ in numerum hominū  
honestorum venire nunquam potest, hic &  
viuens fungitur honoribus & moriens nu-  
merum obtinet honoratorum: ille ita moritur  
vt veluti in exemplum omnibus, deterrendi  
causa, in altum sublatus, terram non tangat,  
hic in subsellijs virorū honestissimorum no-  
bilissimorumq̄ eum locum obtinet quē vel  
si homicida nunquam esset, obtineret. O ingē-  
tem morū pueritatem, Deus iubet ne ma-  
leficis patiamur viuere: Nos homicidas non  
tantū

Exo. xxij.

tantū sinimus viuere, sed & honoribus ijs  
frui qui in alijs Rebus. soli virtuti debētur.  
Et quoniam in Rep. christiana viuimus, vi-  
detur mihi cum ea, meritō expostulandum,  
Cur tandem homicidam potiore habeat loco  
quā furem: Quasi verō non vterque in le-  
gem dei peccet, an est quisquam qui ignoret  
eundem nobis homicidio interdixisse qui fur-  
to interdixit: eundem in vna tabula scriptū  
illud reliquisse. **NE OCCIDITO,**  
& **NE FVRATOR:** Profectō  
animi fuerit minimē christiani, non eadē re-  
ligiōe imperia & leges obseruare omnes, que  
cunq̄ ab illo Legislatore Deo scriptę sunt &  
in eadem tabula incise. Voluit Legislator il-  
le non minus consulere vitę nestrę quā for-  
tūnis. Quod si qua vis ordinis sit habenda,  
certē priore loco legem fixit ad tuendam vitā  
nostram quā illam muniēdis rebus nostris  
accommodatam. Ac ne sola legislatoris illius  
authoritate niti videamur: quę tamen ipsa  
talis est vt per se pulcherrima atq̄ summa cū  
sit, meritō ab omnibus, in primis vero chri-  
stianis plurimi debeat estimari: Sed omitta-  
mus, inquam, legislatoris huius authoritatē,  
faciamusq̄ ab eo nullam mentionem prohi-  
bit

ix. 023

biti homicidij fuisse factam: nedum vel in ea-  
dem tabula aliquam, vel priore loco: an verò  
ratio & omnium populorum consensus non  
iudicat vitam corpusq; ita seruanda esse ac  
munienda, vt fortunas omnes ac rem famili-  
arem lōge posteriora illis ducamus: Etenim  
res ac opes semel amissę sarciri possunt: vitā  
verò semel amissam quis vnquam recupera-  
uit: Quę igitur causa est vt seuerioribus pœ-  
nis ac legibus eum qui res nostras quàm qui  
vitam abstulisset teneri putemus: Enimue-  
rò metuendum ne auaricia atq; nimia o-  
pium cupiditas causam prebuerit pœne seu-  
rioris in fures inueniendę quàm in paricidas:  
nimirum dum in rem faciendam plus iusto  
intenti sumus: lucrifq; ex vnaquaquere odo-  
rem pulchriorem quàm proximi vitam iudi-  
camus. Nam quis per deum immortalem su-  
am ipsius vitam non antiquiorem existimet  
pecunia omni: quicquid igitur pœna homi-  
cidij vsitata agitur non de nostra morte vici-  
scenda agitur, sed aliena: quam quidem alie-  
nam mortem dum fructuosam nobis volu-  
mus esse, magis pecuniariam pœnam stude-  
mus retinere quàm vt capitalem (quę commo-  
di nihil nobis afferret) constituamus. Scilicet  
hoc

hoc est quod diuino iussu ferimus pre nobis  
ipsi, equę proximos diligi à nobis atq; nos ip-  
sos: eorū vitā non aliter nobis cordi esse quā  
nostram: mortem verò illorum ita nobis as-  
cerbam vt si nobis ipsis per scelus illata esset.  
Iam verò si vitam homicidis donaremus so-  
lam, non etiam vitę commoditates ac orna-  
menta, ferendum id quidem esse putarem.  
Etenim ad magnam pœne acerbitatem per-  
tineret, vitare in hominum cœtu sine hono-  
re, sine rerum facultatibus, sine potentia, sine  
amicorum ope ac consuetudine, nec vita hæc  
magnopere videretur expetenda homicide:  
cū se & amicis dedecori atq; macule, &  
vulgo contemptui, cū suam crudelitatem om-  
nibus odio esse videret: cū deiectis oculis  
incederet: tātūq; in id animam de cœlo du-  
cere videretur vt se se ad frugem reciperet me-  
liorem, deumq; sibi placeret. Nūc verò quid  
deest homicide ad vitam fœliciter degendā,  
posteaquā pœnam dependit vsitatam: fun-  
dos quos ante habebat possidet omnes: ami-  
corum & hominum potentū ac virtute pre-  
ditorum consuetudine gaudet: incedit purpu-  
ratus: fruitur honoribus Reip. in Senatu lo-  
cum tenet: in regis oculis versatur, quid est  
iniqui

Exo. xxij.

Iniquitati subdere calcaria ad cedes, si hoc non est: quid prodest operam virtuti dare, si tantus est honos maleficior? Atqui certe deus ipse iubet, **NE SINAMVS MALEFICOS VIVERE**, et lege in Exodo lata edicit.

Exo. xxi.

**QVI PERCVSSERIT HOMINEM ITA VT MORIATVR, IPSE QVOQVE MORIATVR MORTE.**

Ac ne quis refellenda hac lege, dicat eam ad Reip. Iudeorum pertinere tantum, audiamus quid mundo prope vacuo, hominibus octo duntaxat ab excidio illo vniuersi orbis superstitibus, (qui quidem genus humanum tandem recuperaturi erant) edixerit Deus, **SANGVINEM, inquit, VESTRARVM ANIMARVM, REQVIRAM DE MANV CVNCTARVM BESTIARVM: ET DE MANV HOMINIS REQVIRAM ANIMAM HOMINIS: QVI CVNQVE ENIM EFFVDERIT HVMANVM SANGVINEM, FVNDETVR SANGVIS ILLIUS: SI QVIDEM AD IMAGINEM DEI FACTVS EST HOMO.** Audistis edictum diuinum, mundo renascente, necdum natione Iudaica segregata, latum.

Quo

Quo quidem edicto sanguinem humanum cum de bestiarum tum vero hominum manu se requisiturum dicit: sanguinem quoque eius, qui prior sanguinem hominis effudisset, effusum iri. Audistis & causam edicti gravissimam & in primis expendendam: nempe hominem ad imaginem Dei esse effectum. Itaque vitam eius a nemine violandum, nisi qui bellum suscipere vellet cum principe illo orbis, qui eum imaginem ac similitudinem sui ipsius vivam in terris voluerit referre. Atque ut edictum hoc ad tempora omnium eratum pertinere planum fiat, videamus & multis seculis ante illud diluuium vniuersale, atque adeo principio rerum, vim illud habuisse suam, et nostris etiam habere oportere. Nam et ad Caymum primum homicidam sic de Abele occiso expolulando ait Deus **VBI EST FRATER TVVS? QVID FECISTI? VOX SANGVINIS FRATRIS TVI CLAMAT AD ME DE TERRA: & Christus ad Petrum iniussu magisteratus gladio utentem, QVI, inquit, GLADIVM ACCEPERIT, GLADIVM PERIBIT.** Hec ferè in literis diuinis ab illo coelum, terras, ac hominum vitas, tuente & regente

Gen. 4

Math. 23

et regente Deo prodita extant. Audiamus ita  
quam pulchre consentiant gentium leges. Ec-  
cxi quidem tabulis cum ceteras res tum vero  
homicidium capite fuisse sancitum constat.

Li. 48. ad  
L. Pomp.  
de paricidij.

Romanis quoque legibus in paricidas, hoc est  
in eos qui cognatum affinemve interfecissent  
illud supplicium est inuentum ut in culeo cum  
cane, gallo, & vipera insuti in mare abijceren-  
tur: in alios vero homicidas poena capitalis  
constituta. Hac lege utuntur Germani, utun-  
tur Galli, utuntur Hispani, utuntur & Hun-  
gari. Sed apud Hungaros illud quoque ad poe-  
nae seueritatem est comparatum, ut non tan-  
tum in caput interfectoris: sed in bona quoque  
manus a Rege iniiciantur: ea quidem quae ca-  
strensis, quasi castrensis, & adueticij (sic enim  
iurisperiti loquuntur) peculij veniunt appella-  
tione. Sic ad filios etiam poena sceleris pa-  
terni redundat: dum solam adire permittun-  
tur hereditatem, quae patri a maioribus relicta  
erat. Sed nec Christiani tantum, verum &  
Scythae & Turcae puniunt capite homicidas.

Li. 48. ad  
L. Corn.  
de sicca-  
rijs et ue-  
nefijs.

Neque vero supplicium istud de eo tantum su-  
mebat ut legibus Romanis qui hominem occi-  
dione occidisset: sed de eo etiam qui hominis  
occidendi causa aut cum telo fuisset, aut di-  
stricto

stricto gladio aliquem impetisset vulnerassetue  
aut venenum confecisset, dedisset, habuissetue.  
O legem populo illo, qui non armis tantum,  
verum etiam consilio sapientiaque ceteris na-  
tionibus praestabat, prorsus dignam. Viderunt  
prudensissimi homines, & rerum humanarum  
iprimis experientes, non tam rerum euentu pec-  
cata hominum metienda esse quam animorum  
consilijs sceleratis. Itaque in maleficijs non tan-  
tum exitum, sed voluntatem etiam spectan-  
dam duxerunt, deinde nihil interesse putarunt  
occidat quis hominem an mortis praebet cau-  
sam. Quoties igitur tanti maleficii crimen non  
modo perfectum sed tentatum etiam argumē-  
tis claris signisque comprobabatur, toties rei ca-  
pitalis damnabantur, qui sceleris erant conui-  
cti. Quo magis ea lex instituenda est a nobis  
in crudelissimum homicidam, qui sanguine  
humano imbuere manus suas gladiumque non  
dubitauit. Etenim si quis res gestas iam inde  
a condito orbe diligenter consideret, vix me-  
hercule inueniat unum homicidam, quem ipsum non  
vltiscatur scelus suum. Cayn cum esset fratris  
cida, ipse quoque interijt eodem genere mortis.  
Dauid ob imperatam cedem gladij persecu-  
tionem in domo sua perpeffus est in sempi-

D ternum:

ternum: que calamitas haud dubie acerbius  
illi erat sua ipsius morte. Sed quid veteres his  
istorias attinet repetere, memoria nostra osten-  
dite mihi aliquem vnum, qui hoc detestabili  
scelere patrato, vt etiam pecuniam quantum  
uis magnam numerauerit, ac carceris mole-  
stias pertulerit: ostendite, inquam, mihi vnū  
talem qui non simili deinde perierit fato. Id  
quidem vsq; eò planum est omnibus vt iam  
vulgò celebretur, nullum nec homicidam nec  
adulterum naturali perire morte: ad hæc etiã  
passim iacetur, sanguinis innoxij clamorem  
*Gen. 4.* super astra ferri. Testatur id Deus ipse dū di-  
cit sanguinem Abelis occisi clamare ad se de  
*Apo. 6.* terra. Testatur & Ioannes dum animas sub  
altari auditas sibi ait ita clamantes, Quamci-  
to Domine vindicabis sanguinem nostrum  
de ijs qui habitant in terra. His verbis cla-  
mor describitur sanguinis innoxij: hoc est,  
eius qui citra iudicium legitimum ab homi-  
ne priuato sit effusus. Siquidem nemini lice-  
re præter magistratum quenquam interficere  
ne nocentem quidem, literis diuinis proditum  
extat. Innoxius igitur putandus est sanguis  
qui à priuato effundatur homine, vt cunq;  
pretextatur honesta causa, excepta tamen vñ  
ipsa:

ipsa: que certe excipienda est & merito secer-  
nanda. Narrabat hospes meus Vienensis ad  
modum dolenter, ac voce ad luctum & mœ-  
rorem composita, non ita multos ab hinc an-  
nos ciuem quendam suum, nobilem pistore,  
cūm cœnatus cum vxore, liberis, ac familia,  
dormitum isset, inuentum esse mane in cubi-  
culo interfictū, vnacum vxore & filiolo pro-  
pe in cunis iacentes familiam quoq; omnem  
in cubiculis distinctis cubantem & ipsam ad  
internitionem quoq; cesam. Cūm ex omni  
vicinia ad tam foedum spectaculum vulgò  
concurreretur: nemoq; in edibus vniuersis  
reperitus esset viuus, in quem suspitio malefi-  
cij conferri posset: simulq; animaduertere-  
ter abesse, ex cuncta familia atq; ex domesti-  
cis patrisfamilias occisi aliquem vnum, qui in  
eo occisorum numero non reperiretur: captū  
esse consilium querendi illius qui abesset. In-  
uentum tandem esse in plateis oberatē, ca-  
ptum, & ad magistratum criminis inuesti-  
gandi causa adductum. Erat porro homo il-  
le in arte pistoria quam cum magistro exer-  
cebat industrius, & ideo magistro suo in pri-  
mis grat: sed, vt sit, popinis, lustris & ganeis  
nimio plus addictus. Eum igitur & prius  
D ij apud



apud apparitores qui eum comprehēdissent,  
& deinde apud magistratū sponte sua, nullo  
teste, stimulis conscientie actum, nec interro-  
gatum, continuo crimen confessū esse: se hor-  
tatus magistri, quibus à luxu vocaretur sepe  
ad frugalitatem, ferre nō potuisse. Itaq; nocte  
profunda cū vox à vicinis exaudiri nō pos-  
set se primū in familiam in lectis cubantem,  
ne illa patrifamilias suppetias veniret: deinde  
hostio cubiculi aperto ipsum patremfamilias  
cum vxore, altissimum carpentes somnum,  
interfecisse: postremò verò in filiolum, qui in  
cunis prope cubaret, ac morte parentum pri-  
us conspecta, suam ore balbutienti deprecare-  
tur, puppasq; omnes si parcatum sibi esset do-  
no offerret, se ferrum strinxisse. Tot autē ce-  
dibus factis se ad portam ciuitatis contendisse  
se, vt illinc digressus poenā homicidis impen-  
dētē vitaret. Verūm porta ciuitatis se aliquo-  
ties egressum, tamen rursus ad ciuitatē vi et  
impetu animi impellentis reuertisset: tantas si-  
bi tenebras offusas fuisse, vt quasi collo obtor-  
to eò vnde discesserat reductus esset: tantis de-  
niq; aculeis, tantis furis cogitationum se agi-  
tari vt nec se animo consistere posse diceret:  
nec quicquam magis optare quā vitam si-  
bi eripi

bi eripi quā ipse alijs eripuisset. In tot verò  
stimulis conscientie ac cruciatibus animi sum-  
mis, illam pueri vocem qua sibi parci petebat  
atq; puppas vitam redimendo offerebat, esse  
sibi tanquam facem sine intermissione adu-  
rentem & poenam longe omnium acerbissi-  
mam. Hęc quidem paricidam illum vltro et  
sponte factum esse, ac morti deinde prout di-  
gnus erat adiudicatum, hospes meus Vien-  
sis narrabat. Ego sanè non absq; lacrimis  
audiebam & tantā immanitatem paricide &  
sanguinis innocentis vltionem diuinitus im-  
missam. Neq; enim Dēus qui legem tulit san-  
guinem eius effusum iri, qui hominis sangui-  
nē effudisset, ad homicidia conuere putan-  
dus est, vt non poenam repetat ipse ab hijs qui  
imaginē suam violassent. Itaq; paricide isti  
& mentem abstulisse, & fugiendi facultatē  
eripuisse, & eum poenis meritis reseruasse est  
existimandus. Hoc igitur veluti p̄iudicio  
tāto, cuius similia multa, nobis nō animaduer-  
tentibus fieri quotidie putemus, an non pa-  
lām nobis ostenditur quid in puniendis ho-  
micidijs sequi debeamus: habemus & lege di-  
uina constitutam poenam homicidis: & eius  
voluntate in eam mentem illos impelli vt ipsi  
D iij incidant

incidunt in manus ultorum, cur igitur dubi-  
tamus legem emendare nostram, poenamque  
similem diuine constituere? Nam que gens  
que natio alia preter nostram caput hominis  
pecunia persoluat? Nisi forte hoc in numero  
Dani habendi sunt: apud quos legem quoque  
vigere audiui similem nostram. Sed illi tanta  
incommoda perferunt ob pecuniam hanc mul-  
taticiam ut parum apud illos tuti sint umbel-  
les a potentioribus & in medio foro & in tem-  
plorum ediumque penetralibus. Itaque Germa-  
ni illud eis in iurgiis obijcere consueverunt,  
vitam humanam non alio loco haberi apud  
illos quam pecudum: utpote que pecunia quo-  
que redimatur ac persoluiatur. Iam ne quis pu-  
tet hec in nationem Danorum a me comu-  
niter dici, permittamus sane illos uti sua le-  
ge: certe tamen non debent esse nobis tanti ut  
illis tantum similes nos fieri velimus, potius  
quam tot nationibus alijs, Italis, Gallis, Hi-  
spanis, et omnibus que Romanis legibus vs-  
tantur: que legi Diuine subscribere non du-  
bitarunt: caputque non alia re quam capite pu-  
niendum esse statuerunt. Tanta apud nos re-  
ligione sunt tantaque maiestate templa & prin-  
cipum arces ut rei capitalis damnentur, qui  
cunq;

cunq; ea violare, non quidem homine occi-  
dendo sed gladio vagina vacuo aliquem pes-  
tendo fuerint ausi. Quod vero templum maio-  
re sanctitate putamus venerandum esse, hoc  
quod Dei viventis est habitaculum, an quod  
lignis est lateribusque constructum? Quam ar-  
cem tantam maiestatis ac venerationis plenam,  
ut eam qua & religiones & Respublicas defendun-  
tur? Scite enim mihi fecisse videtur Rex ille  
qui Cesarini fallor, Ottoni, templum diui Adal-  
berti Gneznese religionis ergo visenti, ac opes  
atque arces quas regio hec potissimas haberet  
videre cupienti, viros ostenderit lectissimos  
exercitusque qui subito legi poterant numero-  
sos: illos, inquit, arces suas esse atque opes. Pre-  
clarum sane & regia maiestate dignum res-  
ponsum, nullam enim opes regibus tantam esse  
debent, nullam arces tam firme videri atque ho-  
mines ipsi: quorum causa illi constituti sint  
a Deo, tot honoribus totque opibus aucti &  
ornati: sine quibus nec opes, nec dignitatem,  
nec arces tueri possent ac defendere. Cur igitur  
violatorem templi huius viui, arces huius  
fortissimum deualtatores, e numero hominum  
eiciendum non statuimus? An licentiam per-  
ditissimi paricide alemus, ad similiaque faci nos-  
tra edenda

ra edenda, vitam illi prorogādo instruemus.  
Res enim testatur ipsa, gigni in homicida,  
nisi multetur morte, immoderat am peccandi  
consuetudinem, ac licentiam interficiendi.  
Quotus quisq; est enim qui pœna capitis e-  
uitata, cede vna fuerit contentus? Itaq; vt cœ-  
no porcos sic istos trucidationibus ac maleficijs  
omnis generis videas delectari: nec de re  
alia quā de carnificina sermonem institues-  
re, nec voluptatē aliunde capere quā ex san-  
guine. Tantam vim habet macula ex huma-  
no sanguine concepta vt nihil nisi immanem  
quandam audaciam gignat ad scelus cinne.  
Haud scio an eadem culpa tenemur, qui ad  
Reip. gubernacula sedemus, quorūq; in ma-  
nibus hæc res est, qua amentes & furiosi isti.  
Nam quid per Deum immortalem vult sibi  
vetus illud & protritum verbum, Facientes  
et consentientes ipsidem pœnis teneri ac legi-  
bus? nisi forte putamus illos tantum assen-  
tiri sceleri quorum seu consilio seu opera sit  
confectum. Atqui & ratio dicit & magno-  
rum virorum consensus, eos quoq; culpæ res-  
os esse, qui cum sceleri occurrere possint, oc-  
casionem negligent rei bene gerendæ: non se-  
cus ac si vel iniuriam fecissent ipsi, vel præsto  
fuisent

fuisent opera consilio studioq; facienti. Si  
authorem querimus eius rei, nullū certe gra-  
uiorem possumus habere, M. Cicerone: qui  
non in scholis tantum philosophorum versa-  
tus sit, sed Romæ, cum quidem vrbs illa rerū  
orbis terrarum potita erat, summos magistra-  
tus magnificè gesserit. Is in suis officijs reli-  
quit scriptum ad hunc modum. QVI nō des-  
fendit nec obsistit si potest iniuriæ, tam est in  
vicio quā si parentes, aut amicos aut patriā  
deserat. Si verò rationem velitis habere sens-  
tentie nostræ, eā quidem in promptu fuerit re-  
rum naturam contēplanti. Quis in mari pro-  
fundo hominem sese præcipitantem atq; mer-  
gentem, non seruans, seruare cum possit: eiq;  
in extremis laboranti subsidio venire negli-  
gens, culpæ exors erit. Quis viatori iter latro-  
nibus obsessum ingressuro, insidias prædicere  
cum posset, tamen non prædixit nec admonu-  
it, non immeritò ob id damnatur summe cru-  
delitatis ac impietatis. Quis cæco foueæ atq;  
lapsui proximo, dextram porrigere cum pos-  
set atq; a lapsu abducere, occasionem omittēs,  
seipsum suumq; animum a crimine vacuum  
statuet: neq; iam disputo de eo qui fecisset  
maleficium vel alterum submergendo, vel in  
E latrones

latrones tanquam casses artibus malis impel-  
lendo, vel in foueam precipitando: que vitia  
etiã palpãdo ab omnibus cognoscuntur; Sed de  
eo qui vel à fouea, vel ab aqua, vel à latro-  
num manu vel aliqua prolapsione seruare  
cùm posset opera aut consilio, opportuni-  
tatem pretermittat rei preclare gerende;

Hos omnes quis non numero homicidarum  
numerauerit? Profectò enim non nobis nati  
sumus tantum. Preclara est vox illa Christi  
seruatoris nostri, vt quod placeat nobis, alijs  
quoq; faciamus. Cœtus hi & hæc domicilia  
coniuncta, docent nos aliorum cõmodis ser-  
uire debere: vt qui cum hominibus in vitæ,  
spiritus, & lucis cõmunitate viuamus, cum  
illis etiã rerum omnium cõmunionem iũga-  
mur: earum presertim quas sine detrimento  
nostro, magno aut cum salutis illorum com-  
modo, tribuere possimus. Omnino enim nõ  
de nihilo illud apd' veteres tritum erat vetusta-  
te prouerbiũ, **HOMINEM HOMINI**  
**Deum.** Diuina enim hæc sũt opera putanda,  
cõsiliũ dare homini vel ignotissimo: opem  
illi ferre in periculo; rebus subitis illius ac du-  
bijs adesse: iuuare aut opera aut consilio aut  
re. Hec qui homini in extrema necessitate nõ

faciat

faciat cum possit, an eum omni humanitate  
exitũ non putabimus? an domicilijs nostris,  
foro, congressu non excludemus? Cũ igitur  
nos qui Reip. huius gubernacula tractamus,  
simus eo loco cõstituti, vt subitis caibus, in-  
terfectionibus ex summa licentia proficiscen-  
tibus, possimus (quantum in nobis est) supre-  
mo supplicio contrauenire, ne queso desimus  
officio nostro. Omnino cessatio hæc, infamiã  
illam habet, delectari nos cedibus, qui graui-  
orem nõ irrogemus multam: consentire nos  
qui nõ damnum u: capitis homicidas. nec cer-  
te eius culpe cuius rei sũt homicide, possumus  
ipsi esse insontes: siquidem eadem residet in  
consentiente pœna que in faciente. Quin  
igitur facimus per Deum immortalem, vt  
quemadmodum hæc Remp in ceteris parti-  
bus, quantum possumus, sustinemus cum di-  
gnitate: sic & huic medeamur parti que ad  
vitam cuiusq; pertinet tuendam. Non illud  
tenseo, quò homicidas e medio tolli aliquan-  
do curemus: nobis enim vel non curantibus,  
vel conuiuentibus, id eueniat aliquando ne-  
cessum est, Deo Opt. max. ita volente ac iu-  
bente. Non finit numen illud, quod hominẽ  
ad suam imaginem effinxit. imaginem suam

E ij impune

impune violari. cessent quantumuis magistratus: euadant homicide omnium hominum suspiciones ac iudicia: impellentur tamen illi a numine caelesti in casses, vnde vitam expedire non possint. Veniet dies multae illius certantiae, quae rerum principio homicidis diuino oraculo dicta est, ut qui sanguinem hominis effudisset in terra, eius quoque sanguis effundatur. Illud igitur censeo ut quod iusto Dei iudicio certissimum est homicidis aliquando fore, id nos anteuertamus decreto & iudicio nostro: ne vel audaciam illorum, poena capitali differenda, corroboremus ad caedes alias: vel paruifacere videamur hominum vitam, quam pecunia soluere permittamus. Nam praeter iniquitatem tantuli precij eadem illa multa illud quoque in se non minimi: sed haud scio an maximam habet incommodi, quod cum in vniuersum dicta sit omnibus qui maneant in hac Rep. non tamen nisi a locupletibus pendendi possit. Quid enim mirabitur pauper, si caedere fecerit? Scilicet luet, ut vulgo iactatur, corpore qui caret numis: subibitque, quod soluendo non sit, ferri crudelitatem, aut certe carceribus perpetuis addicetur. Diuites porro quid interea soluent quod lege preceptum est: ac se in quos

illis

illis libitum erit noua pecunia armabunt. Ad eod apud nos diti atque pauperi leges impares esse? Hanc vero legum inequalitatem tantam quid pepererit praeter pecuniae abusum summum? abusus porro vnde natus quam ex hac pecuniaria lege: qua sine modo grassari nobis fas esse putemus in tot hominum vitas quot centena marcarum numerare possimus. Sed ex tota hac pecuniae potentia magna, vnum illud est admiratione dignum, quod legibus etiam apud nos sit cautum aut certe moribus receptum, iure videri interfectum, cui comminationibus sit prius, ut sibi caueat, praedictum. Hinc vero non iam singulari certamine concurrunt: sed non raro vtrinque exercitus cogit: hinc expugnationes eorum: hinc & nocentium & innocentium sine discrimine caedes: et quid non mali inde? Hoc vero quid aliud est quam legibus valere iussis vim regnare velle? At enim in Rep. bene constituta, legibus solis locum esse debere, ratio ipsa dicitur: vim omnem vel ab omnibus in externum hostem, cum quo nobis legum communitas nulla sit, conuertendam: vel ab solo magistratu in eos, qui legum iussis non sint obediens, exerendam: priuatis vero inter se in vniuersum vi omni inter-

E iij dicendum

dicendum: propterea leges latas esse vt omnes  
ex iure manum confertum, non ferro rem re-  
perant. Cuper in mebercule eam mihi oratio-  
nis facultatem dari, qua depingere & ob o-  
culos omnium ponere queam turpitudinem tā-  
te licentię numorum: Sed queſo à vobis vt  
quod inopia orationis preſtare non poſſum,  
vos ipſi cum mentibus veſtris conſideretis.  
Quid per Deum immortalem turpius in hac  
Rep. dici, cogitari, ſi ſiue poſſit hoc pecunie  
abusu infinito: dum hominem interficere nō  
veremur ſpe numorum: dum mortem cui li-  
beat cunq; & cōminationē predicere, & gla-  
dio tandem audemus offerre: dum nihil tam  
putamus ſanctum quod non violare, nihil tā  
munitum quod regina pecunia non fas ſit no-  
bis expugnare. Tenuioribus verò non pate-  
re eam licentiā notum eſt: proponētibus ſi-  
bi ob oculos capitalē pœnam, ad ſe haud du-  
bie, inopia rei numarię, peruenturam. O im-  
parē legum rationē inope conſtringendo &  
locuplete: quarum quidem ſeueritatem huic  
vi numorum perumpere: illi verò, rerū an-  
guſtia, nullo modo liceat euitare. Cur verò  
odio tanto tenuiores proſequimur, eorumq;  
vitam: an non & ipſi pars ſunt generis hu-  
mani?

mani? an ſolis diuitibus vſuram lucis huius  
à Deo datam putamus? Quod ſi ex equo  
Deum virorumq; authorem ſtatuiſſimus, cur  
non equo conſulimus vite vtrorumque? Sa-  
tis ſit locupletes alijs rebus preſtare pauperta-  
ti: mors quidē ſcelere illata ſeu à paupere ſeu  
à diuite equis legibus puniatur. Neq; enim  
magis homicida eſt qui pauper occidit homi-  
nem atq; diues: neq; cetera ex ijs que cuique  
aut conceſſit aut negauit fortuna eſtimanda  
ſunt: ſed ex re ipſa atq; peſſimo cuiuſque af-  
fectu. Miſerum hercle eſt fortune arbitrio  
cauſę & fluxę & mutabili ea permittere, que  
ab intellectu & ratione proficiſci deberent.  
Cur igrē lege in quam & diuites peccant &  
pauperes, cauetur de ea pœna quam non ex  
equo poſſint pēdere diuites ac pauperes: que  
ab inope repeti non poſſit niſi morte commu-  
rata: locupletes verò audaciores reddat ad pa-  
ricidia multa? Neq; enim ignoratis quod  
omnibus eſt notiſſimum, in tanta homicida-  
rum licētia vix vnum eſſe numatum, qui ho-  
micidio ſemel admiſſo ad cędes alias non pre-  
ceps feratur: cū interea cędes à paupere fa-  
cta ita multeretur vt cum vita, facultas ei eripi-  
atur deinceps interficiendi. Nos verò ſi non  
E iij mouerēt

mouerent pericula tanta ad poenam capitalē  
constituendam: timentes tamen iuuentuti no  
stre, imò cuius etati hominum ne seipat ad  
eos contagione quadam hoc malum, debere  
mus sanè quamprimū ex finibus nature hu  
manę homicidas omnes exterminare. Con  
stituerunt veteres Romani, quorum tam late  
olim patebat potestas vt orbem terrarū pro  
pè fuerit complexa, admodum exquisitū sup  
plicium, quod superius dixi, in paricidas: vt  
illi ī culeum, viuū quidem, cum cane, gallo, si  
mia, & vipera coniecti in profluentem defer  
rentur. Timebant homines magna pruden  
tia p̄diti, ne si paricide aut feris obijcerentur  
aut alijs supplicijs afficerentur, inficerēt aut fe  
ras cōtactu suo, aut aërem quo spiramus, aut  
alia quibus vita indiget nostra elementa. Ideo  
oc̄p̄ iusserunt paricidam in mare proijci: sed  
tamen ne inficeret aquam, corio obuolutum  
et obligatum. Illi igitur cum & feris timerēt  
et omnibus elementis, singulare excogitauer  
unt supplicium: nos non timebimus iuuen  
tuti nostre quę ab hac maleficorū peste nul  
lo negotio infici possit. Nec enim minus ma  
lorum consuetudo officit iuuentuti atq; pro  
dest bonorum conuictus, imò verò in eam  
etatem

etatem, quę singulariter procliuis sit ad omnē  
insolentiam, facilius quęque mala irrepunt  
quàm bona. Notus est uersiculus quem ci  
tat diuus Paulus ex Poëta Gręco,  
Corrumpunt bonos mores colloquia praua.  
Ac nos quidem id pluries quàm vellemus  
sumus experti. Multi enim exemplis inuita  
ti aliorum, quibus impune cessit hominem  
occidisse, aliorum capitibus insidias struere,  
eosq; interficere non dubitarūt. Putāt enim  
iure fieri, quod fit aliorum exemplo. Adeo  
aut̄ id mali contagione sua animos occupa  
uit multorum vt nihil iam magis tritum sit,  
nihil magis iactetur quàm illud, potius esse  
occidi aduersarium, quàm iure cum illo ex  
periri. Nam occisum semel ac pecunia perso  
lutum, nihil negocij alicui facessere: à litibus  
verò ferè non desinere litigatorem potentē.  
Hic igitur est, si dñs placet, fructus poenę v  
sitate vt multi iam iure relicto, solam ad vim  
confugiant. Quę res quorsum tandem sit e  
uasura non necesse habeo dicere. Illud  
saltem censeo prouidendum, ne nullus tan  
dem vsus sit legum si quisque pecunia abuti  
sua in cuiusuis perniciem pergat: neue licē  
tia tanta pariat intollerandam rerum omnium

E v confusio

confusionem. Quid enim boni in ea Repu-  
dii poterit esse ubi nihil non possunt opes  
ad crudelitatem: inopia vero nihil omnino va-  
leat ad misericordiam: idem in re communi om-  
nium, nam cui salus sua non eque grata sit  
in rerum inopia atque alij in opibus summis.  
Cui vicissim mors non sit perinde extre-  
mum malorum in summa egestate ac alij  
in vite splendore, rerumque abundantia?  
Quod si nunc sistant se nobis qui ferro eue-  
cti vitam ante diem deseruerunt, causamque suam  
apud nos agere velint, non hac utuntur ora-  
tione? Et vivis nobis displicuit semper Sigis-  
munde Rex, vosque Remp. qui cum eo gu-  
bernatis Lex pecuniaria ista, que pecuniosis  
hominibus causam dederit nos interficiendi:  
& nunc poenis inferni perpetuo addictis displi-  
cet magis, quippe cuius obtentu plerique inter-  
fecti veniant ad nos: conspectu suo poenam  
nobis reddentes acerbiorum. Qua in re acer-  
ba sane nobis est recordatio & negligentie ve-  
stre, & temeritatis reclamantium, & avaricie  
eorum quibus bono fuit nos cecos esse. Nec fa-  
tis mirari possumus usquequo tandem indormi-  
etis huic cause? quos ad fines licentiam hanc nu-  
morum dissolutam vagari permittetis: nihil ue-

VOS

30  
vos timor Dei qui potestatem puniendi fontes  
ad vos transitulerit: nihil misericordia sanguis-  
nis nostri quotidie clamatis de terra: nihil mi-  
sericordie cruciatuque in quos interfectores detruse-  
runt nos: nihil amicorum lacrimarum, qui cede nos-  
tra in squalore abhuc versetur: nihil denique  
hominum proborum hac sanguinis impunitate  
morerere non desinendum, suspiria crebra, mo-  
tere possunt: Non creditis deum, qui potesta-  
tem suam vobiscum communicatam voluerit,  
puniturum hanc vestram cessationem: Etenim  
ut causam vel dedissemus ipsi cur interficere-  
mur, vel paricidarum furor sibi inuenisset: vos  
tamen qui Remp. hanc gubernatis potissimum  
rei estis egedis omnium nostrum: ut qui non ca-  
pite sanxeritis humanum caput: cum quidem  
& Deus, & ratio, & gentes omnes preiuravit  
vobis voce sua quomodo homicidas punire-  
tis. Quis vestrum o nostri, occisores, mortis  
poena sibi proposita, ausus fuisset morte indi-  
gna aliquem nostrum trucidare, utcumque vi-  
ctor voti fuisset compositus: Equidem si vite vos  
non fuit pertesum vestre, nullomodo commi-  
sissetis ut priuaretis nos luce hac, cuius adhuc  
ipsi usuram capitis: Sed cum numati essetis,  
spemque minime dubiam haberetis retinendi  
vitam



vitam vestram, fortunam, honores, Rempu-  
blicam, expleuistis sanguine nostro odium  
vestrum: maluistisq; pecunie iacturam fa-  
cere quam nobiscum iure agere, nosq; inter  
vivos facere. Utinam aliquando vel modice  
tangant vos o Rex & qui cum eo estis in  
senatu miserie & supplicia, in que interfe-  
ctores isti detruserunt nos imparatos, atq; a  
poenitentia vite peruersę alienos. Ad quam  
quidem poenitentiam redire nobis licuit dū  
vitales carpebamus auras; nunc ę vita subla-  
tis reditus est preclusus omnis. Sed quia mi-  
serie nostre a vestris mortalium sensibus p-  
cul absunt, statuite vobis saltem quod pote-  
stis ante oculos miseris mortibus indig-  
nissime sumus affecti: pars in itinere, alij in  
penetralibus edium, quidam inter pocula &  
epulas ubi conciliationes amiciclarum fiunt  
cruore resperimus mensam, nonnulli ad aras  
summi Dei, quidam in lectis trucidati. A mor-  
te vero & in eam viam ingressi sumus vnde  
redire non liceat: & in eos cruciatus coniecti  
qui diabolo & angelis illius parati sunt ab  
eterno. Neq; vero presentes tantum luimus  
poenas: crescunt ille nobis quotidie hospitū  
nouorum accessione. Argumento vobis sit  
diues

diues ille epulo euangelicus qui poenarum;  
apud inferos comunionem crescentium, metu,  
petebat Abrahamum, curaret ille ne quis  
fratrum in ea loca veniret. Quin igitur mi-  
seret vos nostris non putatis Deum a vobis  
requisiturum sanguinem nostrum, ob poenam  
minime idoneam, atq; ob pecunie licentiam  
effusum: qui & Abelis iusti de Caymo con-  
tubernali nostro requirebat, & cuiuscq; homi-  
nis de manu bestiarū requisiturum se dixit.  
Per Deum qui olim iudex in vos sedebit &  
in nos, per potestatem hanc a deo vobis con-  
cessa, per cruciatus nostros obsecramus vos  
vt oculos aliquando aperiat ad vindicandū  
sanguinem nostrum, ad homicidia reprimen-  
da: ne patiamini (quantum in vobis est) or-  
cum nouis hospiribus, quorum communiōe  
poenę nobis crescant, frequentari: ne afflictis  
addatis afflictionem. Sin vos nec dei respe-  
ctus mouet, nec miserie nostre, facite vestra  
iporum causa: vt ne vos, poenam noxę pa-  
rem remittendo, obstringatis scelere homici-  
dij: neue olim in eas poenas cotrudamini q̄s  
negligentię & torpori vestro impendere no-  
lite dubitare. Hęc quidem occisorum oratio  
est. Ego redeo ad meam, atq; vt vltima con-  
textam

textam cum primis, omnino rerum naturam  
mibi diligenter contemplanti, eaq; de talio-  
ne à prudentibus que prodita sunt studiose  
multumq; volutanti, non aliò magis trans-  
ferri posse videtur quàm ad homicidium pu-  
niendum. Nam quod Christus veteribus in  
more fuisse testatur, ut dentē redimerent den-  
te, oculum oculo: & ipse deinde ad legē ean-  
dem alludens pronuntiet fore, vt qua mensu-  
ra alijs mensi fuerimus, eadem alijs remetian-  
tur vobis, id quidem cur ad homicidium ac-  
commodare dubitamus? cur oculus oculo,  
dens dente pensatur: non autem capite caput?  
Nisi fortē dentis oculiq; amissio pluris nobis  
est quàm capitis atq; vite. Quòd si in foro &  
ad iudicem nemo alicui dicam scribere per-  
mittitur, ex qua quidem ad eum qui reus fit  
at infamia redundet, nisi primū nexu se ob-  
bliget ad periculum iudicij prestandum, atq;  
ad crimen vna cum pœna in se transferendū:  
quid tandem in eò foro putamus fieri oportere  
vbi non verbis nec legibus, sed ferro dimi-  
catur, & gladijs: non fortunę impetuntur sed  
vita & salus: nō gladiatores illos nexu pperuo  
vinctos esse statuemus, supremoq; supplicio  
addictos? Audiui de homine quodam or-  
dinis

dinis nostri atq; loci, non ita multis ante an-  
nis in conuentu Petricouię habito ad Sena-  
tum de hac ipsa lege relatum fuisse: Ibiq; cū  
sententijs variaretur, & alijs homicidas rece-  
pta pœna, alijs capitali afficiēdos censerēt: factū  
esse vt pars maior vicerit meliorē, pœnaq;  
vtilitata sit conseruata: siquidē plures erāt qui  
pecunia potius vt olim quàm qui capite an-  
quirendū censerent. Tum aut rem narratione  
eorum qui in Senatu erant perlatam fuisse  
ad iuuenem quendam nobilissimum, in su-  
ma familia natum, summaq; fortuna: Eum  
quidem qui per etatem nondum veniret in  
senatum, sed esset tamen ad res maximas na-  
tus vel ingenij vel imperij vel virtutis. Eum  
itaq; iuuenem tum extra ordinem ita sentē-  
tiam dixisse vt censeret singulorum nomini-  
bus & qui pecunia & qui capitis anquiren-  
dum putarent, separatim conscriptis, legem  
promulgādam esse sententijs vtrorumq; con-  
gruentem: hoc est vt si quid capiti eorum ac-  
cidisset, pecunia qui homicidium persolui cē-  
serent, pecunia multaretur homicida: Sin eo-  
rum, qui capite caput redimendum vellent,  
capitis damnaretur qui interfecisset. Egregia  
verò & hoc iuvene digna sententia: que de-  
clarat

Hec mag-  
nificus d.  
Erasmus  
a kretkoo  
Castellanus  
Wetensis  
narrabat  
dixisse Se-  
renissimū  
principem  
et omni o.  
Sigmundū  
Augustū  
Regē  
polonie in  
conuentu  
petricouie  
anno chri-  
sti. M. D.  
xxxvij. ha-  
bito: cum  
qdez Rex  
annos fer-  
me xvi. na-  
tus erat.

clarat illum, non tam prudentia duce, quæ ab illa etate ob rerum imperitiam est remotior, quam ingenio & vi illa ingenita acuminèq; ad secreta tum nature tum legum penetrasse: vidisseq; nihil hominum vitæ conseruandæ magis appositum esse quam si capite, caput pensetur: neq; facilius fore vt eorum in quibus huius rei potestas est sita in vnum cõgruant sententiæ, quam si semel promulgetur, vniuscuiusq; capiti vel si per omnes ordines suffragia viritum ire oporteat, id quod in re tanti momenti, Senatu & equitibus inter se discordibus, fuerit necesse: vniuscuiusq; inquam, capiti, pro sententiæ quam dixisset ratione, legem esse ponendam. Profecto autem ego fallor, aut nemo sanus esset qui caput suum ipsius, pecunia estimari vellet: cessarentq; contentiones partium magis quam Reip. studio à multis susceptæ. O Deus qui hanc Remp. seruas, serua nobis hunc iuuenem in patrias crescentem artes. Da illi mentem cum ad eas res tractandas, quibus tenere possit clauum imperij in tanto cursu ac fluctibus, tum ad voluntatem eius legis perferendæ, quæ & à viris prudentibus Rerump. firmamentum merito putatur: et ab ipso ante tot annos plus quàm  
pro

pro etate talis iudicata est, in qua vigere in primis equi in sit Rhadamanti vetus verbum cum ita definit iustum,

Iusta malis hæc admissio, p crimine poena est  
Si quæ fecerunt, eadem patiantur & ipsi.  
Iam quod homines quidam docti, poenã vsu  
tatam defendentes, non estimationem capitis,  
pecuniã: Sed poenam ceteri hominis consti  
tutam esse contendunt, argute illi quidem &  
ad rem suam perquam apposite, si modo in  
hoc essent omnia. Verum cum toties ostens  
derimus poenam sceleri parẽ, si qua in re alia,  
certè homicidio puniendo esse debere: deinceps  
de equum esse in ea Repub. capitis damnari  
homicidas, vbi leuiora multò delicta, capite  
luantur: existimo orationem illam inter estim  
ationem & poenam discrimen constituen  
tem, non tanti hinc esse vt aliquid momenti fa  
cere possit ad sententiam nostram infirmam  
dam. Neq; verò metuendam nobis puto in  
constantie reprehensionem legibus mutatis:  
Quis est enim qui in rebus vel malis, vel pa  
rum consultis laudandam in aliquo putet in  
vna sententia perpetuam permansionem: Quis  
ignorat in Repub. nostra pro rerum tempo  
rumq; varietate, sepius leges mutatas? Quis  
deniq;

ἴκε τὰς  
δοι τὰκ  
σοῦν δ' ἴσ  
κντ' ἰθεῖα  
γένοτο.

deniq; tam peregrinus est in hac Rep. quin  
comptum habeat poenam homicidij aliquo  
ties mutatam esse & exacerbata. Atheni  
ensium ciuitas prudentissima, cum videret le  
gibus draconis, etiam leuia delicta, poenis ca  
pitalibus puniri, indignum existimans homi  
nem quamlibet leui causa vita priuari, abro  
gare illas non dubitauit; eadem haud dubie fa  
ctura ut poenam alicui delicto debitam, si res  
poscat, exaceruet atq; exacerbaret. Quid mul  
ta? Ego sane si in ea Rep. essem ubi homines  
cum ad bonum proclues ac sponte currentes,  
tum vero ab omni facinore abhorrentes vis  
derem: certe ibi aut nullas aut quam leuissi  
mas poenas, discipline causa, proponendas pu  
tarem. At in ea Rep. quis dubitet quin legi  
bus & poenis seuerioribus opus sit, ubi quo  
tidie videmus in peius ruere omnia, ceu qua  
dam peccatum conspiratione? Facessant igitur  
a nobis Stoica illa decreta quamlibet legi  
um perpetuitatem sine discrimine compro  
bantia ad homines ociosos. Nobis certe qui  
in rebus gerendis, tanquam in acie versamur  
non sit indecorum vel mala bonis commuta  
re, vel bona reddere meliora, vel poenis seue  
rioribus castigare ac reprimere maliciam ho  
minum

minum succrescentem. Ac ne illud quidem  
pertimescendum est, nos hac poena fama cru  
delitatis subire oportere. Quae enim potest  
esse in peste ex sinibus nostris propellenda cru  
delitas? Quis ouem morbidam de grege suo,  
quis membrum viciosum, contagionis pro  
hibende causa, resecans de corpore suo, argu  
itur crudelitatis? cuius quidem vitande causa  
si ab homicida necando abstinendum sit, cur  
non etiam a fure suspendendo? nisi forte vel  
huius crimen maius est quam illius, vel non  
eiusdem crudelitatis est si ne cuius gladio vi  
tam abrumpere. Ne igitur peste hac tanquam  
ciuitatis struma execanda culpa crudelitatis  
suscipi putatore. Imo vero ita vobis vehemē  
ter persuasum velim, magis nos in patriam cru  
deles esse, cum vitam hominum parum iu  
sta vindicamus poena, quam humanos atq;  
lenes in homicidam, cum vitam illi donamus  
cuius quidem homicidiae gladius cum scel  
scelere imbutus foret, penetrauit scelus illud,  
remissione poenae, ad animam & medullas os  
sium; sitq; ut sceleratior sit multo homicida,  
quam futurus erat si actutum e medio fuisset  
sublatus. Proinde Deus ut pestem hanc de si  
nibus naure humane extirparet, nihil metua

ens famam crudelitatis vno verbo edicere nō  
dubitauit, vt qui sanguinem hominis effudis-  
set, eius quoq; sanguis effundatur. Sed me  
in primis oratio cōmouet nationis equestris  
fortium virorum, à quibus sic nobis occurritur,  
quasi seueritate hac in homicidas exigen-  
da vel in longitudinem parū consulamus, vel  
exercitationem armorum omnino sublatam  
velimus. Quis, inquiunt, vel armorū presidio  
instruet se, vel equos nobiliores alere nolet, si  
domesticę exercitationes iste, pœne seuerita-  
te, prorsus auferentur: nec enim obscurū esse,  
omnes ferē pacis amantes, vtrumq; dices sint  
et auro opulenti: inopia tamen illos laborare  
tum equorum, tum armorum: contra homi-  
nes haud quidem magna cum re, sed tamen  
inimicitias exercentes, dum ob pœne facilita-  
tem iniurias vlcisci conantur, & ab equis eg-  
regijs & ab armis esse paratissimos. videas  
eos tanquam in excubijs perpetuo versari: nō  
illos inire epulas, non vīno indulgere, nō stra-  
tis vti mollibus: sed tanquam in bello ad oīa  
semper esse intentos: eat quis præter edes cur-  
su incitatore, pulset hostium insolentius, edat  
vocem paulo altiolem, extemplo eos ad om-  
ne momentū esse paratos. Stat equus ad pu-  
gnam

gnam sella instratus, equus ipse semper occre-  
atus, gladio & armis circūsus. Hęc vero ex-  
ercitatio quantum ad bella proficiat facile exi-  
stimari posse si quis ad belli illius memorā,  
quod ad Bucouiam à maioribus nostris cū  
valachis gestum est, animū conuerterit. Ante  
illud enim bellum quiete vsi erant diuturna  
maiores nostri: ac (vt fit rebus secūdis & trā-  
quillis) luxui & voluptatibus sese dederāt:  
armorumq; curam adeo abiecerant vt & ga-  
leis ad pullos educendos abuterentur, et reli-  
qua arma in vomeres conflarent. Itaq; cū et  
vacatione militię diuturna, & a morum in-  
ter se domesticorum intermissione, essent in-  
epti ad bellum, adduxerant se & suam existi-  
mationem, multo patrum suorum sudore &  
sanguine collectam, in discrimen magnum,  
cedere enim coacti sunt ei hosti, qui semp pa-  
tribus eorum cedere cogebatur. Quis igitur,  
inquiunt, non potius ferendam putet & hanc  
pœnam pecuniariam, & has detunciationes  
hostilitatis longo vsu apud nos receptas: qua-  
rum obtentu iuuentus se tanquam proli-  
tibus exerceat ad bella in hostem exitum:  
non enim sinūt nos hec prælia domestica ocio  
torpere, non somno & voluptati operam da-  
re.

re, assuefaciūt iuuentutem nostram ad labo-  
rem: docent equis & armis optimē vti, adori-  
ri hostem, & cedere. vnde tandem fieri vt nō  
veluti ex vmbriis, sed ex magna exercitiij scho-  
la in aciem, cum opus est, progrediātur. Hęc  
ferē est oratio equitum. Quibus ne ansam re-  
linquamus neue intercedendi sententię no-  
stre, neue militaris exercitationis ac vsus abij-  
ciendi, opepretium fuerit de moribus aliarū  
nationum, quos vidi ipse & memorię man-  
dauī, narrare. Neq; enim exteri populi, pro-  
pterea quōd capite puniāt caput, putādi sunt,  
armorum curam, dum pace domi vtuntur,  
abiecisse: imō verō nulla tempora, quantū-  
uis quieta, sinunt vacua esse ab ea exercitati-  
one quę animos illorum instruat ad prelia, et  
ad seriam armorum tractationem. Habent  
ciuitates singule annis singulis certos & sta-  
tos dies: quibus ex omni vicinia homines in  
vnum confluunt locum: seque magistratui,  
quisque pro virili parte, tanquam ad bellum  
ituri, cum equis & armis omnis generis re-  
censendos sistunt: ludos instituunt: bellicis  
instrumentis varijs, non quidem ad vulnus  
sed ad speciem, certamina miscunt. Pars dis-  
micant gladijs: alij contento arcu in scopum  
iaculantur

iaculantur: quidam balistarum bombardarumq;  
excussibus certant, nonnulli singulari  
certamine concurrunt hastis. Sunt qui tan-  
quam prelium commissuri, manu vtrinque  
facta, acies instruant, inuicem congregian-  
tur, & ipsas acies, pro re & loco, vel sistant  
vel conuertant. Interea seniores exercitum  
omnem lustrant: tabulas recensitionis quoran-  
nis conficiunt: capita conferunt vel de ratio-  
ne belli, vbi factio opus esset, gerendi, vel de  
sumptu sustinendo, nec desunt iunioribus ex-  
ercitationes alię, quorum partim cursu, par-  
tim saltu certant, partim exercent membra  
palestris, partim hastarum coniectu ac missi-  
li telo. Pleriq; id faciunt sponsonibus factis  
nonnulli ad beneuolentiam inter se comparā-  
dam. Atq; ita & animos recreant, & hac ex-  
ercitatiōe animosiores ad seria certamina red-  
duntur. Hunc quidem modum exercitati-  
onis, quis non meritō laudet & cum non fiat  
nec cum vite humane profusione, nec cum  
legis diuine violatione: sed animos iuuentu-  
tis prepararet, ne, si quando eundem sit in ho-  
stem, perhorrescant, vel armorum vel vul-  
nerum vel sanguinis conspectu, sit enim ne-  
scio quomodo vt homines in vmbriis educa-  
ti, primo

ti, primo gladij aspectu, dum stringitur, dum  
micat, de statu animi subito deficiantur.  
Contra verò quis Christianum se profes-  
sus exercitacionem istam apud nos receptam,  
et vite mortalium inimicam, & diuinis ius-  
sis repugnantem, non velit extinctam? Non  
est, Equites, non est vt aliquis vestrum spe-  
ret ad pugnam & bellum animum fortem se  
allaturum ab impia ista exercitacione cum  
scelere coniuncta. Sequitur enim hominem  
ipsam scelus suum; conscientia maleficij pun-  
git & mordet; accusat lex dei violata; mors  
terret; poene inferni impendent; ultio Dei  
omni ex parte instat. Deo vero inlenso, qui  
sperare possis vel fortem animum in hostem  
vel foelicem exitum pugne tue? Velim mi-  
hi varijs casibus iactato, in acie sepe versato,  
credatis Equites, nihil in periculis adeundis  
animos meos vel crexisse magis quam recor-  
datione mererum cum virtute à me gestatū,  
vel retardasse quam si quid insolentius et pre-  
ter officium à me gestum meminissim. ob-  
uersabantur ob oculos meos ea que temere  
vnquam, turbulenter, aut contra officium fe-  
cissim dixissim. Ea que animo meo maio-  
rem multo terrorem incutebant quam gla-  
dij cuius

dij omnes, & plurima mortis imago. Hec  
ego expertus verissime vobis narro Equites:  
que haud dubie plurimi vestrum sunt exper-  
ti: et qui non estis in acie versati, olim expe-  
riemini. Quis igitur, nisi à Christi religio-  
ne prorsus remotus, non preferat exercitatio-  
nem illam quam dixi exterarum gentium,  
huic nostre que cede hominum constat &  
carnificina? Grauius sane mihi quidem di-  
xisse videtur diuus Paulus, cum negat faci-  
enda esse mala vt bona eueniant. Itaque vt  
rem facere nemini non licet labore bonisq;  
artibus, non aut furto aut rapina: vt liberis  
operam dare omnibus permittitur, sed ma-  
trimonijs thoro sancto, non aut stupris aut  
adulterijs: Ita nequaquam animi ad aciem  
preparandi sunt cedibus domesticis & carni-  
ficina, sed honesta potius & legitima exer-  
citacione. Sed spero me iam satis fecisse E-  
quitum questioni. Spero etiam de poena ca-  
pitali in homicidas constituenda satis à me  
dictum. Finem igitur faciam dicendi si ad-  
didero, illud quoque ex Rep. esse vt poena co-  
stituta, lege etiam caueatur de temporis, quo  
interficere homicidam liceat, ratione. cum em  
in cause cuiusque cognitione, tum vero vbi

Roma. 3.

G de ca

de capite hominis agitur cauendum est à cō-  
ca properatione fit enim persepe vt penes  
quem est potestas, ira aliāue subita animi  
perturbatione feratur p̄ceptus quo non opora  
teat. Theodosius populi Rom. imperator  
*In tripar- titia histo-  
ria lib. 9. cap. 30 et* lege rogatu diui Ambrosij lata edixit vt post  
triginta dies supplicia  
extraherentur. Hi si cui videbuntur iusti di-  
*C. ut de es* esse supplicio sumendo in eius sententiam  
p̄uenis. L. facile discessero; neq̄ tamen impedio quò mi  
*Si iudicari* nus vel pauiores sint vel plures, modò intra  
eos legitima cognitio sceleris fieri possit: ve  
nepœna, ira ab homicida, aut alia peruersa  
cupiditate sed iusticia sola expetita esse vi-  
deatur. Sed de hac temporis ratione, facilis  
spero erit consensus, modò concorditer de ea  
pœna dicamus ad quam & lex diuina con-  
sentit & Romana & multarum gentium.  
Illi igitur sententię à generosissimo iuvene  
olim extra ordinem dicte acclamandam  
prorsus censeo: homicidiumq̄ cogitatum ac  
sponte ab homine priuato committum capi-  
tali noxę deinceps habendum. Ad eam rem  
cū nos & officij nostri ratio, & populorū  
desideria diuturna, & homicidia temporis pre-  
teriti p̄ numerorum abusu in cōmissa, et Reip.  
tranquill

tranquillitas atq̄ salus, & ius atq̄ equitas  
cohortentur: deinde cū periculorum mag-  
nitude, & perditorum hominum in genus  
mortalium sine modo grassantium licentia  
summa cogat planē & compellat, quid tan-  
dem quieto excusationis possimus asserere,  
quāobrem sanguinarijs istis, sanguinario edi-  
cto non velimus (quoad eius fieri possit) ere-  
ptam licentiā hanc interficiendi: an quod  
res (quod vulgò dici audio) partim Senatu  
discordie, partim nobilitate dissentiente, fa-  
cultatem minus habere possit: Ego verò in  
re tanti momenti subscribendum censeo sen-  
tentię iuuenis illius, quam prius dixi, vt, nisi  
res aliter teneri possit, promulgetur omnium  
ordinum sententijs viritum rogatis, vniuscui-  
usq̄ capiti pro ratione sententię quam dixis-  
set legem esse perferendam. Profectò nemi-  
nem fore credo, qui mortalem cū se recogno-  
tauerit, atq̄ adeo obnoxium neci expositūq̄  
velit suum ipsius caput pecunia solui. Sed  
non dubito quin multis partibus plures sint,  
qui studio Reip. ea quidem in re, in qua sa-  
lus hominum versetur, in sententiā nostrā  
sint ituri: vt deinde, vel sententijs numera-  
tis, lex figatur & sanciatum secundum hanc  
G ij partem



partem quę & numero præstet & pondere. Quid enim seuerius conuenit punire vitam an res furtim ablatas: templorum Dei atq; regiarum violatores, an hominum ad Dei immortalis diuinitatem proximę accedentium, interfectores? Qd̄ si legibus Romanis conatus etiã hominem interficiendi argumentis certis deprehensus, capite plectatur, quam tandem putamus pœnam homicide comparandam? Obsecrant id inopes vt cum imparati sint à pecunia, equam secum perferant pœnam, ob scelus simile, homines nudi. Optant probi omnes, ne tam vili salutem habeamus humanam, vt eam numis quãlibet multis velimus venditam. Deniq; obsecrat Resp̄ ipsa vt quam à maioribus nostris integram pulcherrimamq; recepimus, atq; ad hunc diem consilijs salubribus conseruauimus, eam in hoc flore hereditibus relinquamus nostris, licentiã hac ex numerorum abusu homicidarum compressa. Quem putamus vnum in plures homicidiorum pœnas suffecturum, si capite caput persoluatur ne minem profecto. Atqui pœna quę in usu est conseruata sufficet certe in tot homicidiorum pœnas quilibet, quot centena marca

rum ius

rum numerare poterit: quotq; annos singulis homicidijs destinauerit. Quę igitur, malum, ista stulticia est, non eam persequi pœnam, quę persoluta semel, omnem in perpetuum auferat potest: atem hominis occidendi: præ illa quę immaniores homines reddat, atq; ad cedes faciat audaciores? Confirmant hanc pœnam cœlestia oracula: confirmant multarum gentium mores ac consuetudines: comprobant ipsi exitus atq; exempla omnium ætatum, in homicidas diuinitus edita, cessante ab officio magistratu. Quę ipsa quidem talia sunt per se, vt etiã si nihil præterea congrueret: Tamen ipsorum inter se consensus summa grauissimum præiudicij pondus & instar ad pœnam capitalem indicendam habere videatur: Cum verò cum ipsis exemplis consentiant leges multorum populorum: nobisq; clarissima præeant voce: an adhuc dubitamus quid sequamur? Addam illud, nescio quã recte sed tamen quia non raro accidit, addam, multos occisorum cognatos eiusmodi esse, vt cum indignum statuãnt ob sanguinis communionem, sanguinem propinquorum suorum precio estimari, prorsus abhorreant à pœna pecuniaria ab homi-

G iij cidis repe

cidis repetenda. Itaq; cessante magistratu à  
pœna capitali, gladio ipsi vliscuntur eadem  
suorum sepeq; manu coacta vtrinq; con-  
currentes magnas edunt strages, vnius ho-  
minis caput vliscendo. Hi an non hoc ve-  
luti præiudicio, significant quid velint con-  
stitui à magistratu? An igitur pecunijs tan-  
tum adhuc licentię permittemus, vt in homi-  
nes dominantur? vt sine modo grassentur in  
eorum vitam? an iudicia hominum iamdiu  
pœnam flagitiõ parem expectantium con-  
temnemus? an nostra & populorum salute  
tegenda non motuebimur? an non tange-  
mur magnitudine periculorum? an Reipu-  
blabanis querelas & obsecrationum pro-  
cellas diutius feremus? Minime verò istuc  
quidē. Non id esset clementię Regis, qui pa-  
ter patrię, totiũs inquam, patrię pater & sit  
et nominetur: non authoritatũs Senatus ad  
totiũs Reip. salutem constitutę: non ordinis  
equestris, qui cũ memoria virtutis auitę in  
Reip. polleant, non sanè vel maioribus suis di-  
gni viderentur, vel ad heredes veram nobi-  
litate[m] transmitterent, si ad perdendum pe-  
cunia genus mortalium consentirent: non  
deniq; populorum religionem Christi pro-  
fidentiu,

40  
fidentium, quos cum princeps suus sanguine  
mercatus sit suo, ex equo quidem omnes, an  
non indignissimum fuerit, mercem tam ma-  
gno constantem tantillo estimari? Quid igi-  
tur agimus Rex inelyte & vos Senatores  
clarissimi? quid cuuctamur Equites fortis-  
simi & vos optimi viri omnium ordinum?  
non adhuc propulsamus pericula tanta? ho-  
mines innocentes occiduntur: abstrahuntur  
ferro viri ab vxoribus, parentes à filiorum  
complexu, filij à charitate parentum: plan-  
ctu ac mœrore propinquorum non domus,  
non vię, non templa vacua sunt: cœdantur  
sanguine postes & foci: polluuntur itinera:  
comminationibus & cœdibus inde ortis agri  
et totię prouincię refertę sunt: leges concula-  
cantur: vis regnat & pecunia. Quid igitur  
agimus? an homicidis locum adhuc relin-  
quemus in Rep. nostra atq; in numero ho-  
minum? videte ne nullus tandem Reip. sit  
locus, vbi tantę illorum licentię locus erit.  
Curate vt dolorem quo animi hominum iã  
pridē ardēt, magis seueritate animaduersiõis  
extinguamus quã ppostera lenitate inflam-  
memus: vt commemoratio nominis nostri  
magis in amore & laude hominum versetur  
quã

quã in mœrore & fletu. Prouidete ne te-  
nuiorum hominum lacrimę & gemitus ma-  
gis nobis irę diuine seueritatem imprecetur  
quã benignitatis illius clementiam. Ve-  
rumcũ turpissimum nobis est non cogita-  
re quid preces supplicum valeant apud illum  
iudicem ad cuius tribunal breui nos sisti o-  
portet. A te ille ô Rex & à nobis, qui ad gu-  
bernacula Reip. sedemus, reposcet rationem  
sanguinis per scelus effusi omnium populo-  
rum ditios nostre. Nos sumus qui interficim-  
us homines, qui parũ iuste punimus inter-  
fectores: qui tantam pecunie licentiam per-  
mittimus. Ac ne illud quidem in nobis est  
vt respectũ aliquẽ habeamus vel adolescentis  
huius nobilissimi cui sceptrã regni cõmissim-  
summo ordinũ cõsensu: vel minorũ nrõrum  
quos in locis nrõs cõsiliarios illi relinquem-  
us. Quid enim putatis illos, cũ Rempub. te-  
nebunt iudicatuos de pœna ista vsuata: no-  
lite putare vt imitentur hanc nostram num-  
tationem. Quò enim sermones isti, pœnam  
receptam eleuantes, qui iam vulgo habentur  
ab illis quibus certe iuuenis ille studio pœ-  
ne seuerioris precurisse putandus est. Erit  
penitentiam, credite mihi, quę nũc latent ab-  
solutorum

lorum sententię, in actum: confortabunt se cũ  
principe illa voce: legem in es indicet à nobis  
neglectam: statuent pœnam scelere dignam:  
salutem populorum melius tuebuntur. In sum-  
ma, illas nobis à minoribus nrõs tacite (cũ  
liberẽ loqui non audent) condiciones ferri pu-  
temus, vt aut illorum sententiã preuertamus,  
dum rerum potimur, edictio nostro: aut certe  
ipsi, dum potestatem habebunt notam sum-  
me negligentię ac officij deserti in hominum  
cũde vindicada manibus ac cineribus nostris  
inurent, pœna capitali surrogata. Nunc po-  
testas nrã est vtram velim-  
us accipiamus cõ-  
ditionẽ. Ego quẽ laboribus infinitis & iure  
nrũ, & bellorũ, & negotiorũ, vt scitis, cũ picu-  
lis cõiunctorum, fractus: corpore ac viribus  
defectus: videre mihi videor diem iam iam  
aduentantem quo mihi sit ex hac vita migrã-  
dum, itaq; gaudeo occasionem nunc mihi da-  
tam de hac lege loquendi: vt priusquam im-  
perator ille sumus Deus de hac vitę et Reip.  
statione me discedere iusserit, declaratũ apud  
vos, remp. istam publicam voce n. ca, ac te-  
statum relinquam quid senserim: qui de tuen-  
da hominum vita sensus meus & status su-  
erit: quod meum studium, quę voluntas. De  
G v qua vo

qua voluntate mea & Rep. gesta video mihi  
paucis diebus rationē dandā ante terribile illud  
iudicium iudicis summi. Vos videritis, quod  
eō cum eritis citati, possitis, pro se quisque re  
spondere. Sed iam festus sum dicēdo, utinā ve  
rō nō frustra sit hoc à me factum. Sic igitur  
breui habete, si fecerimus concorditer, quae di  
xi de homicidiis ē medio tollendis, & Deus  
opt. max. augebit Rempub. nostram, orna  
bitque, in qua scilicet tantū fuerit imago illius  
quantū meritō fieri debet: & animos populo  
rum nostrorū sic nobis hac re conciliabimus  
ad beneuolentiam ut qua maxime: & pace  
domi constituta paratiores erimus aduersus  
externum hostem: & hanc Remp. trademus  
florentem heredibus filiisque nostris: & cum  
dies ille supremus unicuique nostrum illud  
lucet gaudebimus preclaro hoc fa  
cinore, atque Rep. recte & ex  
Dei sententia adminis  
trata.

DIXI.

NOBILI ET GENE  
ROSO PVERO ADALBER

to Lascio Rithuanij & Casijfori demis  
no, Hieronymi Siradię Palatini

viri illustris filio, An

dreas Fricius

S. D.

QUI veniunt ad nos abs te, Adalberte  
Lasci, predicare solent magna cum volu  
ptate nostra indolem tuam & studia recta  
in quibus diligenter verferis. Quod & si no  
bis, qui te & mores tuos olim cognouimus  
nouum non est: iucunda tamen nobis est com  
memoratio tua: quae heros ille Hieronymus  
Lascius vir omni re magnus hanc vitam de  
serens, vitam animi et corporis sui imaginē,  
nobis reliquit. Cuius quidem viri patris tui,  
cum in hoc libro attigerimus virtutes qual  
dam, voluimus eum mittere ad te, ut illud ti  
bi ob oculos sepe ponas insistendum tibi esse  
vestigij paternis si heres illius & esse velis  
& vere videri. Non enim ad otium natus  
erat pater tuus: sed ad opera virtutis ardua,  
operosa, & preclara. Quibus quidem certe  
tractandis

tractandis & efficiendis aptus non erat futurus, nisi à primis tēporibus etatis ijs artibus studuisset, quibus ad virtutem fingeretur. Quamobrem & tibi Adalberte incumbendum est exemplo patris ad studia literarum: quibus hæc etas tua ad humanitatem informetur & honestatem. Sed habes domi tue formatorem morum & studiorum tuorum virum doctum: quem nō dubito tibi ea proponere que olim profutura sint ad omnem vitam. Tamen si autem nunquam occasio data erat patri tuo de lege homicidij dicendi in Senatu: Tamen si quā res tulisset, non dubitū est, pœnam quam scripsi suaserum fuisse. Audita enim mihi est illa tanquam cygnea vox clarissimi viri prius quā ex hoc mundo migrasset. Habes Adalberte in hoc libello nostro quedam quibus teneram etatem tuā imbuī non fuerit inutile: Que poterit magister tuus, vt commodū illi fuerit visū, tibi proponere & commonstrare. Erit autem gratitudinis tue et libellum hunc in bibliothecam tuam recipere, & authorem eius eo in numero habere quo decet familiares parentum haberi à filijs bonis, heredibus non tantum nominis

43  
minis & possessionum, sed & virtutum patrum & recte factorum. Dñs gubernet istam etatem tuam, ijsq; rebus imbuat, quibus olim & Reipub. vsui esse, & in munera patris tui crescere possis. Vale.

Calēdis Februarijs, M.D.

XLIII.



Cracouie per Hieronymum Vietorem:

Anno Domini. M. D.

XLIII.

REGIUM



REGILLONCAR

# ERRATA SIC EMENDA

Quaternio.	Fol.	Facie.	Versu.
+	4	I	26 re uolui
A	I	2	20 exatatos
	3	I	2 Regis
	4	2	10 tribuo
C	2	2	2 constitutã. Soli ho
	4	I	ult. exemplar Dei
	5	I	16 in adunt
			18 persolucndo. Sit
E	3	2	12 spe. pro fiducia
	4	I	8 occidit
	5	I	15 occidi
		2	10 cneffi
			12 utantur
	6	2	5 facere, lege, ferre
	7	I	15 strum, & ad homi
F	2	I	ult. nature
	2	2	10 nolet, lege, uolet
	3	I	5 Bucouinam
	4	I	25 cõspectu. Fit
	2	14 uero	

Cetera scilicet, si qua erunt, per se emendabis

